

BJALO KA GE NTŠHU E HLATHA SEHLAGA SA GAGWE



[Ngwanešu Sullivan o bala Doiteronomio 32:1-12—Mor.]

*[Efa tsebe, O wena magodimo, gomme ke tla bolela;
gomme kwa, O lefase, mantšu a molomo wa ka.]*

*[Thuto ya ka e tla wa bjalo ka pula, polelo ya ka e tla
hlotla bjalo ka phoka, bjalo ka pula ye nnyane godimo
ga smela se boleta, le bjalo ka dipula godimo ga bjang:]*

*[Gobane ke tla phatlalatša leina la MORENA: nea bogolo
go Modimo wa rena.]*

*[Yena ke Leswika, mošomo wa gagwe o phethagetše:
gobane ditsela tšohle tša gagwe ke kahlolo: Modimo wa
theresho le yo a se nago bokgopo, wa toka le yo a lokilego
ke yena.]*

*[Ba itshentše bonabeng, lefelo la bona ga se lefelo la
bana ba gagwe: ke moloko wa go fapoga le go kgopama.]*

*[A le bušetša MORENA, O batho ba ditlaela le ba go se
hlalefe? a ga se tatawenno yo a le rekilego? a yena ga se a
le dira, gomme a le hloma?]*

*[Elelwang matsatši a kgale, šetšang mengwaga ya
meloko ye mentši: botšišang tatawenno, gomme o tla le
bontšha; bagolo ba lena, gomme ba tla le botša.]*

*[Ge Yogodimodimo a abaganyeditše ditšhaba bohwa
bja bona, ge a arogantše barwa ba Adama, o beile
mellwane ya batho go ya ka palo ya bana ba Israele.]*

*[Gobane kabelo ya MORENA ke batho ba gagwe; Jakobo
ke karolo ya bohwa bja gagwe.]*

*[O mo hweditše ka nageng ya leganata, gomme ka
lešokeng la go senyega la go ngautša; o mo etilepele,
o mo laetše, o mmolokile bjalo ka mmamoratwa wa
gagwe.]*

*[Bjalo ka ge ntšhu e hlatha sehloga sa gagwe, e
phaphasela godimo ga bana ba gagwe, e phurolla
diphego tša yona, e di tšea, e di rwalela godimo ga
diphego tša gagwe:]*

*[Kafao MORENA a nnoši o mo etilepele, gomme go be go
se modimo o šele le yena.]*

[Ga go selo go theipi—Mor.]

3 Le ka dula. Ke le leboga kudu bakeng sa taletšo ye kaone yela go tla morago gape le go ba ka kopanelong ya lena mo.

4 Ke tla rata go bolela, gore ga se nke ka ke ka ba le kopano nako e ka ba efe bophelong bja ka yeo ke ipshinnego kudu go feta ye ke nago le yona ye. Ye . . . Ke be ke sa tsebe gore le bile le kopanelo ye ya go kgahliša, ya go ratega fa ka Ohio ka mokgwa wo. Gomme ke thabile kudu go ba mo le lena.

5 Gomme ka kgonthe ke nyaka go leboga mogwera wa ka wa mogau, Ngwanešu Sullivan, yo ke ithutilego go mo rata bjalo ka mokgomana wa Mokriste. Ke rata monna yo a nogo go ba *monna*.

6 Mogatša le nna re be re le ka restoranteng ye nnyane lehono, re eja, gomme o tsene. Gomme ka morago ga ge re tšwile, o rile, “Ngwanešu Sullivan o bonala go ba motho, feela wa kgonthe kudu.”

Ke rile, “Yeo ke tsela ye ke mo hweditšego, feela motho wa kgonthe.”

7 Modimo a go šegofatše, Ngwanešu Sullivan, le kereke ya gago ye nnyane. Lena maloko a kereke ya gagwe ba le lego mo, le mahlatse go ba le modiša boka Ngwanešu Sullivan.

8 Go lena banešu fa, ga se nke ka kopana le ba bantši ba lena bao le dirišanago fa ka kopanong, yo mongwe le yo mongwe o tseba modiša wa lena, le ba mo, modiša wa lena o ikemetše yenamong mo, ka gore o dumela ka go mohuta wo wa bodiredi, kafao le leboqe modiša wa lena. Gomme ka mehla o swanetše go ba lefelong la gago la mošomo. Ema o hlwekile gomme o hlwekile bakeng sa Jesu.

9 Gomme gape ke nyaka go leboga molaodi yo, e ka bathaetlele ya gagwe ke eng, yola a re dumeletšego go ba le mabala a a Chautauqua. Ye e bile kopano ye botse, yeo re kgobokanego fa moo go fodilego, le ka moagong, go ka be go bile go fiša kudu, eupša re bile le monyetla wa go dula ka tlase ga sekhurumetšo se fa, gomme kafao re leboga monna kudu.

10 Gomme baena bohle le dikgaetšedi, le bagwera ba ka go tšwa tlase gae, Jeffersonville, le Louisville, le tikologong, ba mpotša gore ba kgona go hwetša dijo tše kaonekaone mo e ka ba disente tše masomesenyane, e ka ba tee tharong ya se o tla se lefago bakeng sa kamora ya hotele, ba e hwetša fa, madulo a makaone. Ba na le lefelo la bona la go šelela le mogobe wa go thutha morago kgole kudu, mo e lego gore ga o šitiše tirelo ya go bolela, ke lefelo la go phethagala la mohuta wo wa kopano. Re leboga Modimo gore go sa na le mejako ye e bulegilego ka mokgwa wo ka Amerika, gomme wo ke wo mongwe wa yona. A nke o eme, go fihla Jesu a etla, bakeng sa dikokwane tša go swana.

11 Gomme bjale bakeng sa mogatšaka, le bašomi bohle ba ka, le nnamong, re leboga tirišano ya lena ye kaone, le bakeng sa tšhelete yeo le e filego, kafao go tla kgonega go lefa dikoloto

tšohle. Se sengwe le se sengwe se hlakile, se phumotšwe bošegong bja go feta. Gomme ba mpoditše ba mphile moneelo wa lerato bošegong bjo. Ke leboga seo, ga se ka tsoge ka tlela seo, eupša ke beile seo ka gare go maboromiwa a dinaga tša ntle.

¹² Ke šoma godimo ga mogolo go tšwa kerekeng ya ka, ke hwetša ditolara tše masomešupa tshela ka beke morago ga ge se sengwe le se sengwe se ntšhitšwe, go tšwa kerekeng ya ka; ditolara tše lekgolo ke se ke se beetšwego, makgolo a masometlhano pedi ka ngwaga. Gomme dikopano, se meneelo ya lerato e se dirago, e ya go maboromiwa a dinaga tša ntle go thuša bahetene, moo pelo ya ka... Gomme ge ke hwetša go kokotlela go lekanego ga matlotlo go nthomela mošwamawatle go rera, moo ke tsebago gore ke tla swanela go araba ka Letšatši la Kahlolo bakeng sa tšhelete ye batho ba mphilego yona, gona nka no e fa disosaete tše ntši tše kaone: Sefapano se Sehubedu, le tšohle tše dingwe, le Lefofa le Lehubedu, le bontši bja disosaete tša boromiwa, eupša go tsebeng gore ke ya go swanela go e arabela...

¹³ Gomme ga se nna wa kerekeleina e ka ba efe, e sego gobane ga ke dumele go tšona, ke a dira, eupša ka gobane ga se nna wa tšona, ke gore nka kgona go ema magareng ga bona bohle, le go re, "Re baena."

¹⁴ Bodiredi bja ka ke bodiredi bo leka go kopanya Mmele wa Kriste mmogo, e sego go kopanya dikerekemaina go kerekeleina e tee, eupša go kopanya banešu le dikgaetšedi bjalo ka sehlopha se tee sa batho, batee ka morero, batee ka pelong, batee ka boteeng, go bona go Tla ga Morena Jesu.

¹⁵ Ke a dumela gore tlhoko ye ntšintši, bošegong bjo, bakeng sa phodišo Kgethwa, ye re e tsebago... le go lebelela dikhote tše, le maako, le go ya pele. Gomme ga ke bone yo motee yo a bego a le mo bošegong bja go feta, a le mo bošegong bjo, khote ye nngwe le ye nngwe, leako, le se sengwe le se sengwe se kgothotšwe bošegong bja go feta. Difofu di amogetše pono ya tšona, dihlotša, digole, atheraithisi, le dilo, di emeletše le go sepela, gabotse. A nke go be bjalo bošegong bjo le lena, bagwera barategi ba ka ba ba dutšego fa, yeo ke thapelo ya ka ya tlhokofalo.

¹⁶ Nakwana e sego kae feela e fetilego, go thankobela ka morago ga garetene, ge ke be ke eme fale ke šikinya diatla le ba bangwe ba bagwera ba ka, mosetsana yo monnyane o mpeile monaganong wa yola ka Finland. O be a na le pholio, o be a na le dithekgetšhi godimo ga maoto a gagwe gomme a sepela ka mahlotlo. O fetile kgauswi gomme a lebelela godimo, gomme megokgo ya tla ka mahlong a gagwe a mannyane. Ke mo gokaretše godimo ka matsogong a ka, gomme ka kgonthe bjalo ka ge ke eme ka go phuluphithi ye, ngwana yola o tla sepela ntle le mahlotlo, goba ka thušo. Le a bona, ke

mokgwatebelelo wa gagwe le go batamela ga gagwe. Le a bona? O . . . Ke mokgwatebelelo wa gago.

17 O—o swanetše go tla ka mohuta wa maleba wa go batamela go Modimo. Ge o etla go ikhola, ge o etla ka go go batamela go itšego go gongwe eupša mokgwatebelelo wa maleba wa monagano go Modimo, goba mpho e ka ba efe ye Kgethwa, o ka se tsoge wa amogela dikholego e ka ba dife go tšwa go yona. O swanetše go tla ka tša gago tša go ineela tšohle go Modimo.

18 Lebelelang mosadi wa Sirofenike ge a boditšwe ke Jesu, “Ga se gwa loka go Nna go tšea borotho bja bana le go fepa lena dimpša.”

19 O ka be o boletše eng ge nkabe A go biditye mpša? O ka be o rile, “Ke tla tšoenana kereke ya go latela.” Eupša e sego yena, o tsebile Yo a bego a bolela le yena. O rile, “Morena, yeo ke nnete, O nepile kudu ka go seo, eupša dimpša di rata go ja marathana ka tlase ga tafola ya Mong.”

20 Seo se Mo hweditše, seo e bile sona. Seo ke se A go letetšego go se dira. Ikokobetše wenamong ka go lefelo le le bjale, ga go kgathale ka fao Modimo a e romelago go wena, ge o fodišitšwe semetseng, ge o fodišitšwe ka dikgao, ge o—ge o beilwe kgole bakeng sa, boka Abraham a bile, mengwaga ye masomapedi tlhano a letile tshepišo, eupša sebakeng sa go fokola, o tšietše nako yohle, a efa tumišo go Modimo, feela gore o tsebe gore Modimo o e tshepišitše, gomme o e amogela bakeng sa wenamong, e swanetše go tla go phethega.

21 E nong go elelwa bjale, ge ke eya go rekoto ka go ditheipi tše, ke bolela se ka pelo ya ka yohle: Gore ge motho e ka ba mang a ka tšea mokgwatebelelo wa maleba wa monagano go tshepišo Kgethwa e ka ba efe yeo Modimo a e dirilego, e tla e tliša go phethega. Ge o ka kgona go tšea mokgwatebelelo wa maleba go se A se boletšego, e tla e tliša go phethega. Ke bone kankere ya sarcomas e tlogela batho ka selo sela sa go swana. Bjale, mohlomongwe o ka se kgone go amogela go lekanela, go no go lokolla ka pelapela.

22 Eupša nka no re bošegong bjo, go no tswalela, ke nyaka go bolela le lena nakwana le go bolela se: Ge o sa kgone go amogela tumelo ya go lekanela go—go fodišwa semetseng, gona tšea tsela ya lesea le le atoptilwego. A le kile la kwa ka go atopta lesea?

23 Bjale, ge o tšea lekgarebe, mohlomongwe o tla nyalwa gomme—gomme yena le mogatšagwe, gomme o tšhogile ga a ye go ba le lesea, o nyaka le tee, gomme o tšhogile kudu a ka se be le lona, a ka se ke. Gobane, feela boka Jobo a boletše, “Dilo tšeo ke di boifilego kudukudu di tlile godimo ga ka.” Le a bona? Eupša o tšea mosadi yola wa go swana, bjale, ge go na le dingaka, bao ka kgonagalo ba dutšego kgauswi, baoki, o tšea mosadi yola wa go swana gomme wa mo dira a atopte lesea, gona o tla ba le le tee yenamong. Le a bona? Go a mo homotša.

²⁴ Bjale, ge o se ne tumelo ya go lekanela go e amogela gonabjale bjalo ka mohlolo, gona tšea mokgwatebelelo wa lesea le le atoptilwego, “Morena, ke ya ka gobane O e tshepišitše. Ke tla tloga fa bošegong bjo ke Go tumiša feela go swana le ge nka be ke fodile.” Šetša se se diregago, o tla e amogela. E swanetše go direga, Modimo o e tshepišitše.

²⁵ Kafao, Yena ke Modimo mohlokamagomo. Gomme ge o ka kgona go ikwela feela tshetlana ye nnyane ya tumelo seo se go botšago gore o tla ba gabotse, o a e dumela, gomme e no ya pele o Mo leboga bakeng sa yona.

²⁶ Gomme ka gona, le a elelwa, ga se ba amogela Moya wo Mokgethwa ka Letšatši la Pentecost, eupša ba be ba le matšatši a lesome godimo kua ba leboga Morena le go Mo tumiša bakeng sa tshepišo ya Moya wo Mokgethwa. Ka gona ka pelapela, O tlile boka phefo ye e tšutlago. Kafao, o dumela seo ka pelo ya gago yohle. E no elelwa seo.

²⁷ Mošemane yo monnyane ka go setulo sa bagolofadi, yo monnyane, mohlankana wa lekhalate; wa go lebega bokaone, moisa yo moswa a dutšego fa, a ntebeletše godimo ga mosamelo, yo monnyane yo mošweu, mošemane a dutšego fale; lesogana le le robetšego mo godimo ga leako le; go wena ntle kua yo a hwago ka bothata bja pelo, a ka no se phele go feta bošego ge Modimo a sa go thuše, bolwetši bja mafahla, kankere e jele, e ka ba eng o ka bago, ge ngaka o ga hlobogile, o se ke wa lahlegelwa ke tlhohleletšo, Modimo o sa le godimo ga terone. Ge o ka kgona go dumela seo, le go amogela seo, ga se ka ke ka se bona se šitwa. Ke bogolo bja mengwaga ye masometlhano, ke bile ka bodireding mengwaga ye masometharo, ke rapeletše dimilione tša batho, gomme ga se nke ka ke ka e bona e šitwa. Ge pelo ya therešo e etla go Modimo, le go dumela ka tšohle tšeo di lego ka go wena, go beng le tumelo gore O tla e dira, O tla e dira.

²⁸ Ke a le leboga bakeng sa botho bja lena, bakeng sa meneelo, le bakeng sa tšohle le di dirilego, le . . . Ga ke tsebe ke bolele bjang bontši e ka ba bofe go feta, “Modimo a go šegofatše.” Gomme go nna, leo ke lentšu le legologolo le lego gona. Ge Modimo a ka ntšhegofatša, se sengwe le se sengwe gape se tla loka, feela ge Modimo a ntšhegofatša.

²⁹ Bjale, re swanetše go tloga mo dinakwaneng di se kae go ya Jeffersonville. Ditirelo tša gosasa di tlase ka tabarenekeleng; Ga ke thanke ke tla fihla go ba fale. Gomme go lena, nna . . . Re ne ba bantši fa go tšwa Jeffersonville, gomme ga ke thanke ke tla fihla go ba fale, eupša Lamorena la go latela, Morena ge a rata, ke tla ba fale.

³⁰ Gomme bjale, lena . . . Feela ka pela ge nka kgona, ke tloga go ya mošwamawatle, bakeng sa Sydney, Australia, le New Zealand, Siam, ka Afrika. Ke nyaka go kopana le mogwera wa ka wa go loka, Ngwanešu Thom fa, yoo a boletšego le wena morago

ga sekgalela se. Ke a le leboga bakeng sa botho bja lena go yena, le thekgo ya lena. Ke rata Tommy yo monnyane mo, gomme ke—ke ngwanešu wa ka. Gomme ke nepile go ba le yena seruthwana se se tlogo se ka Afrika Borwa.

³¹ Ke a makala ge eba le ka ntirela monyetla: Ge le ka nthapelela, seo ke selo se segologolo ke tsebaggo go se dira, ke go nthapelela. Gomme ge ke le ka Afrika, mafelo a mangwe, gomme ge bodiredi bja go swana le bjo, dingakabalo ga di eme morago go e hlohla, bona banna ba bakgethwa ka India, le go ya pele, eupša ga se ka ke ka tsoge ka bona nako, eupša ye Modimo ka mehla a pshikologetšego godimo ga lenaba. Ka mehla ke itshamile ka dithapelo tša lena ge ke eya. Kafao, nthapedišeng, ke tla be ke le rapediša.

³² Gomme ge nka se tsoge ka kopana le lena gape ka lehlakoreng le la noka, ke a holofela ke a dira, eupša ge ke sa dire, ke nyaka peelano le lena feela ka pela ge re tshelela mošola: Mengwaga ye sekete go yo mongwe le yo mongwe wa lena. Re tla dula fase kgauswi le mohlare wa mohlakamotala, gomme fao re tla bolela ka Chautauqua godimo mo ka Ohio. Modimo a le šegofatše go fihla nako yeo.

³³ Bjale, Ngwanešu Sullivan, ke be ke nyaka a dire se sengwe ka dikopanong tša ka, gomme ke bile le yena go bala Lengwalo bošegong bjo, goba, tema, bontši bja yona. Gomme ke nyaka go bolela bošegong bjo, feela nako ye kopana, ka thuto, ya, e hwetšwago ka go Doiteronomio 32:11, Ke nyakile go tšea legato la pele la temana yela ya 11 yeo Ngwanešu Sullivan a sa tšogo e bala: *Bjalo Ka Ge Ntšhu E Hlatha Sehloga Sa Gagwe*.

³⁴ Bjale a re inamišeng dihlogo tša rena feela nakwana bakeng sa thapelo. Ke ba bakae ba ka ratago go gopolwa ka thapelong bošegong bjo? E no phagamišetša diatla tša gago godimo, gomme o re, “Modimo, nkgopole.” O tseba pelo ya gago. Ke a go leboga.

³⁵ Morena wa mogau, ka go kokobela re a tla bjale Leineng la Morena Jesu, re tseba gore ga re ne leina goba toko yeo re ka go e neela go Wena, eupša re tla ka go kokobela, re dumela gore O tla re kwa, gobane O re boditše, “Kgopelang Tate e ka ba eng Leineng la Ka, Ke tla e dira.” Ka gona, Morena, maikemišetšo le maikaelelo a rena, gape a kgomagane le se. Gomme puruputša dipelo tša rena, gomme o bone ge eba e ka ba eng ye mpe, goba go ahlola, goba ka tsela e ka ba efe. . . feela bakeng sa letago la Modimo re kgopela Wena go tšhollela Moya wa Gago godimo ga rena, Morena, bošegong bjo, ka kelo ya go tebatebi yeo O kilego wa O tšhollela godimo ga rena.

³⁶ Go na le balwetši le batlaišwa mo, gape, ba ba dutšego ka tlase ga ditetelo tše kgolo, mohlomongwe bošego bja bona bja mathomo bja go ba mo, gomme ga se ba ke ba bona batho ba go babja ba fodišwa ge ba na le tumelo go dumela. Mohlomongwe ga se ba ke ba bona tshepišo ya Morena Jesu e dirwa go bonagala,

eupša, O Modimo, efa bošegong bjo, gore dipelo tša bona di tla tsikinyega ka godimo ga kelo, gore Moya wo Mokgethwa o tla ba swara le go ba fa tumelo ye Kgethwa, gomme ba tla kgwaparetša ka go bona tumelo ye e ka se tšeeo *aowa* bakeng sa karabo, eupša ba tla lokollwa go tšwa bolwetšing bja bona le tlaišego, yo mongwe le yo mongwe wa bona.

³⁷ Morena, re ka se lebale go rapelela badiredi ba bakaone ba Ebangedi, Ngwanešu Sullivan, le bohle ba bangwe ba ba emego ka go botega ka kopanong ye, re a rapela gore O tla oketša bodiredi bja bona, Morena. A nke ba ye gosasa go diphuluphithi tša bona ka tlo—tlo tlotšo ye mpsha, a nke ba rere Ebangedi boka ba se ba ke ba ba pele. A nke pelo ya leloko le lengwe le le lengwe e tlatšwe ka maatla a tumelo. A nke maswao a magolo le matete, a felegetše bodiredi bja bona, a bontšhe pele go Tla ga kgauswi ga Morena Jesu.

³⁸ Re be re ka se lebale bao ba robalago malapeng a kalafo, le dipetlele, bao ba sa kgonego go tla kopanong. Morena Modimo wa kgaogelo, O sa ne Barongwa ka taelo ya Gago, gomme O ka kgona go ba romela malaong a bona, gomme re a rapela, Modimo, gore O tla e dira, le go fodiša balwetši le batlaišwa.

³⁹ Phološa bohle bao ba lahlegilego, Morena, tlatša bao ka Moya bao ba sego ba be ba tlatšwa. Gomme re rapelela kerekeleina ye nngwe le ye nngwe le kereke ye nngwe le ye nngwe ka nageng, a nke go tle nako ge dipelo tša rena di tologa mmogo bjalo ka e tee bakeng sa go tla ga Morena Jesu.

⁴⁰ Eba kgauswi le rena bjale, šegofatša Lentšu la Gago bjalo ka ge Le badilwe. Gomme a nke Mangwalo a phethagatšwe bošegong bjo ao a rilego, “Lentšu la Ka le ka se bowe le le fela, eupša Le tla phethagatša seo Le se reretšwego.” E fe, Morena. Ka gore re a e kgopela, Leineng la Jesu, Morwa wa Gago. Amene.

⁴¹ Bjale, mo metsotsong e se mekae, ka pela ge re bolela le lena feela gannyane ka Lentšu, ke duma gore modiradibe yo mongwe le yo mongwe bošegong a be komana, gomme o tla ba le tumelo go amogela Jesu bjalo ka Mopholosi wa gago.

⁴² Bjale, ke botšišitšwe bošegong bjo bongwe ke ba bangwe ba bašemane, nkile ka bolela ka thuto, gomme, godimo ka Kentucky, gomme ke a dumela gatee ka tabarenekeleng ya ka: *Bjalo Ka Ge Ntšhu E Hlatha Sehlaga Sa Gagwe Le Go Phaphasela Godimo Ga Bana ba Gagwe*.

⁴³ Bohle re a tseba e amana le Jakobo, bjalo ka ge ngwanešu a sa tšwa go bala Mongwalo wo Mokgethwa. Gomme ge ke bala ye nako ye nngwe, ke thoma go nagana, “Gobaneng Modimo a swantšha bohwa bja Gagwe le dintšhu?” Eupša O bile le lebaka bakeng sa yona. Gomme le a tseba, Yenamong, O itshwantšhitše Yenamong le ntšhu, le yena, Yena ke Jehofa Ntšhu.

⁴⁴ Gomme ke ile go ithuta ka ntšhu bjalo ka ge Beibele ya ka ya mathomo e bile dikgwa, ge ke be ke sa le mošemane yo monnyane,

batswadi ba ka ba be ba se Bakriste, gomme Beibele e nnoši ke bilego le yona e be e le go šetša dikgwa, ka fao diphoofolo tšela, le ka fao bophelo bjola, ka fao letšoba le tla yago tlase ka leroleng, la tsoga gape ka seruthwana. Ka fao mohlodi wola ka mohlareng o tla yago tlase ka medung ka Setemere, pele ga lehlwa e ka ba lefe goba...go swanetše go ba Bohlale tsoko bjo bogolo bo kitimišetša mohlodi wola ka tlase ga mobu, ge o se wa dira, o tla gatsela godimo ka mohlareng, gomme o—o tla hwa.

⁴⁵ Ke eng Bjona bjo bo bušago mohlare, bjoo bo o dirago gore o sware mohlodi wa wona ka medung mo o huthumetšego, gomme ka gona wa o tliša morago ka seruthwane, gomme wa tšweletša kenywa le dilo gape? Ke ka godimo ga moriti e ka ba ofe wa pelaelo, go swanetše go ba Sengwe se e dirago; gomme ga se se sengwe feela ka tlhago, gobane ke bohlale.

⁴⁶ Le ka fao mehlare e fapanago go tloga go yona seng. Ke šeditše bophelo bja nonyana, le bophelo bja phoofolo, le go di bona ka fao di tla phelago le ka fao Modimo a di hlokometšego.

⁴⁷ Morago ke ile go ithuta ka ntšhu, gomme ke ithutile gore go na le mehuta ye masomenne ya go fapana ya dintšhu. Bontši bja tšona...Lentšu *ntšhu* le ra, “segagola ka molomo.” Gomme go ithuta gore go na le mehuta ye masomenne ya go fapana ya dintšhu...Gomme ntšhu ga se lenong, o bolaya nama ya gagwe, o ja sa go bolawa ke yena.

⁴⁸ Gomme morago ka lemoga gore, gape, ntšhu ke nonyana yeo e fofelago godimo. Ga go nonyana lefaseng ye e ka kgonago go latela ntšhu. O ya godimo kudu, ge sepekwa se ka leka go mo latela, se tla no rathagana ka moyeng. Gomme ga a na leihlo ka ditsela mang go bapela le ntšhu. Gomme bjale, ntšhu e kgona go fofela godimo kudu gore ge nonyana ye nngwe e lekile go mo latela, o tla hwa pele a fihla seripagare go yena. Gomme ka gona gore e ye godimo kudu, o swanetše go ba nonyana ya go agwa ka go ikgetha, tswalo ya gagwe, le tšohle ka yena e swanetše go ba se sengwe sa go ikgetha go kgotlelela bogodimo bjola.

⁴⁹ Gomme go bjalo ka Kereke, motho yo a tswetšwego gape ka Moya wa Modimo ke motho wa go tswalwa ka go ikgetha. Go tšea tswalo ya go ikgetha go bo kgotlelela, go kgotlelela dikgao, le letago, le maatla, ao Modimo a etelelagopele bana ba Gagwe ka go wona.

⁵⁰ Gomme ka gona leihlo la gagwe le šeditše kudu, ge a ka ya godimo kudu gomme a ka se kgone go bona ge a le godimo kua, bogodimo bja gagwe bo ka se mo dire botse bjo bo itšego. Eupša o kgona go bona kgojana go feta nonyana e ka ba efe ye nngwe.

⁵¹ Kagona, Modimo o swantšha baprofeta ba Gagwe le dintšhu, gobane ge le eya godingwana, le kgona go bona kgojana. Gomme moprofeta o phagamela ka sekgaong go ya *godimodimo* kudu, go fihla a bona dilo di etla, ka gona o tla morago gomme a sebotša batho.

⁵² Ka gona gape, ntšhu, gape, e hlamišitšwe ka diphego tše pedi tše kgolo, tše maatla, le mafola, o ka se kgone go a tomola ka tang. Oo, di swanetše go swinelela, goba ge a fihla godimo ka go bogodimo bjola gomme wona madimo, a tla tomoga, gomme o tla wa. Kafao, o na le diphego tše pedi, gomme ke ya go swantšha diphego tše pedi tšela le Testamente ye Mpsha le ya Kgale tšeo Jehofa Ntšhu a di phurullago pele ga rena.

⁵³ Gomme, gape, ntšhu ye e mpshafatša boswa bja gagwe. Bjale, ge ntšhu e tšofala kudu, se sengwe se a direga go yena, gomme ka gona o tla morago gape bjalo ka ntšhu ye mpsha. Oo, ka dithabeng ke ba šeditše le go makala ka bona, ka fao a mpshafatšago boswa bja gagwe nako le nako. Gomme ke tla bolela gore yeo e tla ba tsošeletšo.

⁵⁴ Ke elelwa tsošeletšo ya mathomo ya Pentecostal nkilego ka ba go yona, Ke be ke le yo moswa, moreri wa Baptist, gomme ke be ke le ka Mishawaka, Indiana, gomme ba be ba ne khonferense. Gomme ke a dumela dikerekemaina di be di bitšwa P.A. ya W., le P.A. ya J.C. Le ka no, ba bangwe ba lena batho, Pentecostal e ka no elelwa tšela.

⁵⁵ Ke tlile go theoga mokgotha, gomme ke tsene go kwa tsošeletšo ye, ke naganne, gomme ge ke dirile, o rile, “Bareri bohle etlang sefaleng.” Go be go le e ka ba makgolotharo a rena fale. Ke be ke theeditše letšatši lela go bareri ba baswa ba bakaone, ba rera ka go tla ga Morena Jesu, le tšohle ka ga se A se dirilego lefaseng. Gomme ba be ba le dirutegi, le bakgomana, le banna ba go tlala ka Moya. Eupša, nnete, mekgwa ya kereke ya bona e be e se ya loka kudu, ba goeleditše, le go goelela, le go tšwelapele, ga se ke kwešiše seo.

⁵⁶ Eupša ka gona bošego bjoo, ge a bile le rena bohle sefaleng, gomme o rile, “Re kgethile bošegong bjo, Mogolo *Semangmang*,” mokgalabje, monna wa lekhalate. Gomme fa, moisa wa go šokiša wa kgale, wa segole o tlile ntle sefaleng, ga ke tsebe o be a golofetše, eupša o be a apere jase ye telele ya bareri, ya fešene ya kgale ka kholoro ya belebete, gomme ke a dumela re be re fela re e bitša jase ya mosela wa leeba, [Ngwanešu Sullivan o re, “Mosela wo motelele.”—Mor.] jase ya mosela wo motelele, tlasetlase gomme o be a no ba le ntikodiko ye nnyane ya moriri wo mošweu go dikologa molala wa gagwe. Gomme moisa wa go šokiša wa kgale o tlile ntle se sengwe boka se mo sefaleng.

⁵⁷ Gomme o tšere sehlogo sa gagwe go tšwa godimo ka go, ke a dumela, Jobo 7, a bala se sengwe boka se: “O be o le kae ge Ke bea metheo ya lefase, ge dinaledi tša meso di opela mmogo, gomme barwa ba Modimo ba goelela ka lethabo?”

⁵⁸ Gomme nna ke le bogolo bja mengwaga ye e ka bago masomepedi tharo, moreri yo monnyanenyane sefaleng, ke naganne, “Ba tla dira eng go bea mokgalabje boka yola godimo

fale pele ga e ka ba batho ba makgolo a lesometlhano, ge ba na le dirutegi tšohle tšela tše kaone, tša baswa?"

⁵⁹ Eupša o fetotše go tloga go se bašemane ba bego ba rera ka sona. O rerile ka se se diregilego Legodimong, mola letšatši lela, ba rerile ka se se diregilego lefaseng. O be a rera e ka ba metsotso ye lesome, gomme a thoma go Mo tliša gohle go kgabaganya magodimo, le go tla ka go Tla la bobedi, go theoga molalatladi wa go kgabaganya, gomme e ka ba ka nako yeo Sengwe se rathile mokgomana wa kgale, gomme a tabogela godimo ka moyeng, a thulanya direthe tša gagwe mmogo, gomme a goelela, "Agee!" O rile, "Letago go Modimo!" Gomme o bile le sekgoba se sentši bjalo ka ge se le fa, a tlola sefala sela bjalo ka lesogana, a re, "Ga le na sebaka se se lekanego godimo mo gore ke rere!"

⁶⁰ Ke rile, "Ge O ka dira mokgalabje boka yola, O tla ntirela eng? Ke nyaka se a nago naso!" O mpshafatša boswa bja gago.

⁶¹ Ntšhu e mpshafatša boswa bja gagwe nako le nako. Gomme ke nonyana ya go ikgetha gohle go dikologa, Modimo o mo dira bjalo. Gomme ke na le tlhompheo ye kgolo go yena.

⁶² Gomme e ka ba mengwaga ye mehlano ya go feta, ke be ke le tlase go toropokgolo ye botse ya lena mo ka Cincinnati, ke tlišitše basetsana ba ka ba bannyane serapeng sa diphoofolo. Gomme mogatšaka o tšere mosetsana yo mogolo, Rebekah, gomme o mo išitše godimo lehlakoreng le lengwe go bona mohuta tsoko wa kgabo ye nnyane, e be e le ka kamoreng. Ke be ke sa rate monkgo wa lefelo lela, kafao ke mmoditše Sarah le nna re tla ya tlase ka tlase ga thaba.

⁶³ Gomme ke kwele se sengwe se pampa le go itia. Gomme ke sepeletše godimo fale le Sarah yo monnyane, a ka ba bogolo bja mengwaga ye meraro goba ye mene, gomme ke mo swere ka seatla, o rile, "Oo, Papa, nonyana ye kgolo bjalo!" Gomme ntšhu ke ye kgolokgolo magareng ga lapa la nonyana. Dinako tše dingwe yo mogolo, mme ntšhu, e lego yo mogolwane go feta tate, di taramolla dikgato tše lesomenne go tloga ntlheng go ya ntlheng.

⁶⁴ Gomme yo mongwe o tantše ntšhu ye kgolo ye, gomme o be a mmeile ka serobeng. Gomme moisa yola wa go šokiša, ga se nke ka setlega pelo, ge nkabe ke ile ka kgona go mo reka, nkabe ke mo rekile. Gomme o be a se ne mafota godimo ga sefahlego sa gagwe goba godimo ga hlogo ya gagwe, mafelelong a diphego tša gagwe tšohle di be di iteilwe, gomme o be a etšwa madi. Gomme moisa yo mogolo o be a robetše lebatong, gomme o emeletše, o sepeletše morago ka lehlakoreng le lengwe la seroba, gomme o kitimile le go phagamiša diphego tšela tše kgolo, le go itahlela yenamong kgahlanong le mapheko ale feela go betha hlogo ya gagwe le diphego tša gagwe. O wetše morago ka lebatong gape, a tokološa hlogo ya gagwe, a ya morago gape, šo o tla gape gomme

a fofela godimo, gomme a itia hlogo ya gagwe le diphego di fofa, go fihla madi a tsoroma, a wela morago lebatong, a robala.

⁶⁵ Gomme ke lebeletše mahlo a gagwe a go lapa, ge a tokološitše mahlo a gagwe le go lebelela go dikologa go leba mafaufaug, Ke naganne, “A mašokiša! Ke nonyana ya legodimo, o agilwe, le go dirwa, le go tswalwa, gomme o tšweleditšwe gore a fofe magodimong, eupša o tswaleletšwe ka serobeng.” Mathei tsoko wa setswere, yo bohlale o be a mo tsentše ka serobeng gomme a mo swere. Ke naganne, “Yeo ke ponagalo ya go šokiša kudukudu nkilego ka e bona!” Nka kgona—nka kgona go tšea megolo ya dibeke gomme ka reka moisa yola wa go šokiša le go mo lokolla, gobane o be a se a direlwa seroba, o dirilwe go lokologa sebakabakeng. Ke naganne seo se be se šiiša.

⁶⁶ Ka gona monagano wa ka wa fetoga, ge ke eme le go lebelela barwa le barwedi ba Modimo, ba ba tswaletšwego go ba barwa le barwedi ba Modimo, ba sepela tikologong ba apere bohlaswa, ba kgoga disekerete, ba enwa. Go šokiša kudu go bona morwa wa Modimo, yoo a tswetšwego go ba morwa goba morwedi wa Modimo, a dirilwe lekgoba ke lefase, go feta ka mo go lego go bona ntšhu ka serobeng.

⁶⁷ Lefase le hlahletše batho ka serobeng. Dišitiši tša kerekeleina di ba thibela go selo se Modimo a ba beilego lefaseng go ba: barwa le barwedi ba Modimo. Gomme yeo ke ponagalo ya go šokiša, go bona motho yo a se nago thušo, go bonagala, a tlemilwe ke sebe, gomme ba no itia mabjoko a bona ntle ba phaphasela go dikologa go tloga go lefelo la bjala go ya go la bjala, go tloga lefelong go ya lefelong, gomme go tloga go boithabišo go ya go boithabišo, go leka go hwetša kgotsofalo, mola Modimo a nnoši a na le kgotsofalo ye e ka kgonago go ba kgotsofatša.

⁶⁸ Modimo o dirile motho go nyorelwa Yena. Fao . . . Lebaka le motho a nago le se sengwe ka go yena go nyorwa, Modimo o beile lenyora leo ka go wena. Eupša o ka se kgone go le kgotsofatša ka dilo tša lefase. O ka se tsoge wa kgotsofala go fihla Modimo a tšea lefelo leo.

⁶⁹ Modimo o swantšha dintšhu tša Gagwe, goba, bohwa bja Gagwe le dintšhu tša Gagwe. A re tšeeng se ntšhu e se dirago. Selo se sengwe ntšhu e se dirago, ge a aga sehlagaga sa gagwe, o se aga godimodimo. Ke di bogetše ge di fihla go ntlha ya godimodimo ye di kgonago go e hwetša go aga sehlagaga sa tšona.

⁷⁰ Seo se swana le Kereke ya Modimo yo a phelago, E dira go ema ga Yona bakeng sa maikemišetšo a godimodimo, le dikgopolo tše di phagamego kudu, le dilo tše kgethwakgethwa, kgole go tloga go selo sa go tlemelwa lefaseng. Fao ke mo Kereke e tšeago go ema ga gagwe, godimo ga ntlhorana ya godimodimo a ka kgonago go ema godimo ga yona, seo se go Khalibari, sefapano sa Morena Jesu.

⁷¹ Ntšhu e bea sehloga sa gagwe godimo kua, go fapana bjang le ngwanabo wa kerekeleina, kgogo. Kgogo e aga sehloga sa yona e ka ba kae. Efela, o ka se kgone go re ga se nonyana, ke yena, eupša ga a tsebe selo ka tša magodimong, ga se nke a ke a ba godimo fale, ga a tsebe selo ka yona.

⁷² Go na le banna le basadi ba ba ipolelago go ba Bakriste, ba ba sepelago tikologong ka go ngwapa ga ntlopolokelo ya lefelo le lengwe la go tonya, la go itlhopha, la go hloka phapano, gomme ga ba tsebe ke eng go phagamišetšwa godimo ka go Moya wa Modimo ka kolobetšo ya Moya wo Mokgethwa. E tla mmolaya, ga se a agelwa yona, a ka se kgone go e tšea. O swanetše go tswalwa gape ka Moya wo Mokgethwa, wo o fetolago tlhamego yohle ya gagwe, le go mo dira sebopiwa se seswa ka go Kriste Jesu. O fetogile go tloga go sebopiwa seo o lego, ge o tswetšwe gape ka Moya wa Modimo.

⁷³ Selo se sengwe, kgogo ga e tshwenyege ka ga mantswian. E aga sehloga sa yona fase, gomme magotlo, dipeba, dikgano, dinoga di ka a hwetša.

⁷⁴ Seo ke se thero ya go hlepha e se dirago, e dumelela batho go ya go dirokenrole, le go apara, basadi ba apere diaparo tše tša bohlaswa, matikone ba kgoga diseckerete, go ba iša go magotlo le dipeba tša dihele tšeo di tswalelelago meoya ya bona gomme tša ba ahlola. Moreri, goba kerekeleina, goba kereke ye e ka lekago go aga phuthego godimo ga e ka ba eng ge e se Leswika la Lentšu la Modimo, le phošo, gomme maloko a lena a tla senyega, gomme le tla senyega le bona.

⁷⁵ Eupša ntšhu e ya go bona go fapana le seo; o ya godimo kudu, gore ge legotlo le lekile go e namela, le tla robega molala wa gagwe. Ke rata seo. Modimo o iša bana ba Gagwe godimo kudu ka godimo ga dilo tša lefase, magotlo ga a kgone go namela go ya gona. Ke nonyana ya go fapana, gomme o dirile go fapana, o šireletša ba bannyane ba gagwe.

⁷⁶ Gomme modiša wa therešo wa Modimo yo a phelago a ka se tsoge a ema ka phuluphithing, eupša o tla rera therešo ya go se otswafatšwe ya Modimo, ge a swanetše go rakela mantswana ohle ntle, o tla ema godimo ga Lentšu la go se otsofatšwe, e sego godimo ga leswika la Gibraltar, eupša Leswika la Mehlang. Gona ke tumelo.

⁷⁷ Tumelo e ka se kgone go khutša godimo ga lešabašaba la go šutha la thutamodimo ya motho, eupša tumelo e tšea go ema ga yona ga Gosafelego godimo ga Leswika la Mehlang la go se fetoge, gomme e ka ema fao mola maphoto a betha tlase ga yona ka ntle, gomme lebitla le bulegile, gomme ya lebelela go kgabaganya lewatle go Yena yo a rilego, “Ke nna Tsogo le Bophelo,” go boletše Modimo. Ema fao.

⁷⁸ Hlokomela, kgogo e a fapana, mekgwa ya gagwe e fapane, dijo tša gagwe di fapane.

⁷⁹ Ka gona ntšhu ye, pele a aga sehloga se, yena, sa pele o hwetša lefelo go se aga. Gomme morago ge a eya go se aga, o rwala diphata tše kgolo, tše boima, gobane... Dinako tše dingwe o ya ka mphatseng ka leswikeng, ntšhu ka mehla e tsoma mphatša.

⁸⁰ Gomme Kereke ya therešo ya Modimo yo a phelago e tla tsena ka go mphatša wa lehlakore la Jesu, Leswika la Mehlang, moo, “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenyha kgahlanong le Yona,” goba ga go magotlo a lefase a tla e kgwathago, bomaselekane, le go ya pele, ba lefase le ba tlišago ka gare le go gogela morago. Modimo o hlwekiša batho ba Gagwe, le go ba latša ka Moya wo Mokgethwa, le go ba bea godimo, ba a fapana.

⁸¹ Gomme ka gona ntšhu, ge a hwetša diphata tšohle tše kgolo tše di kgobokane go dikologa... Oo, ke bahlami, o swanetše go bona e tee e aga sehloga sa gagwe, ka fao a tšeago mafelelo a tšona, gomme e di kgoromeletša fase ka go menga ye mennyane. Gomme ka gona ge a dira seo, o ya ntle le go hwetša mebetlwa ye metelele, meetlwa ye megologolo, gomme o logaganya sehloga sela, kafao tšona diphata di ka se šurašure. Eupša nnete, gona se tletše ka tša go hlaba, morago o ya ntle gomme a hwetša matlalo a mmotla, woo a o jelego, mebutla, o hwetša matlalo a kwana, moo a jelego dikwana, gomme o le tšeela godimo kua, gomme e tšea molomo wa gagwe, gomme o le kgoromeletša fase, gomme o se dira manobonobo ka kgonthe.

⁸² Yeo ke tsela ye Modimo a direlago batho ba Gagwe. O elelwa ge la mathomo o be o etla go Modimo yo a phelago? Ke elelwa bošego ge ke amogetše Kriste bjalo ka Mophološi wa ka wa sebele, go be go le boleta kudu, ke naganne ke be ke sepela moyeng. Ke sokologile ka mokutwaneng wa kgale wa malahle. Gomme ge ke tsena, ga se ke tsebe selo ka go goelela goba go tumiša Morena, kafao, ke ikwetše gabotse kudu, ebile ga—ga se ke kgwathe poto go tla godimo go tšwa mokutwaneng go ya ntlong. Ke ile ka swara puku ya pina gomme ka thoma go e lebelela, gomme ka gona, le Beibele ya ka, gomme ka thoma go bala.

Gomme Mme o rile, “O boifa eng?”

Ke rile, “Ga go selo.”

⁸³ Ke ile ntle ka morago ga ntlo, go na le seporo sa ralawene se kitima go theoga mototolo, gomme ke ile ntle go seporo sa ralawene, gomme ke naganne, “Ke nako go nna go ya Legodimong!” Ke tabogetše godimo feela ka fao ke bego nka taboga ka gona, gomme ka goeletša feela ka go hlabaša boka ke kgonne go goeletša; go kwagetše bose kudu.

⁸⁴ Ke a le botša, ge o belegetšwe ka ntlong ya Modimo yo a phelago, go na le se sengwe sa boiketlo ka sona. Modimo o e dira

bjalo. O e dira ye botse go dintšhuana tša Gagwe tše nnyane ge di tswalwa. Ke thakgetše kudu go ba yo mongwe wa tšona.

⁸⁵ Gomme ka gona, ka morago ga ge tše dinnyane di tswetšwe, di na le mpete wo mobotse, wo monnyane wa manobonobo go robala godimo ga wona, gomme se sengwe le se sengwe se no ba gabotse, le go ya gabotse. Gona selo sa pele le a tseba, mme ntšhu yo o tšea kgopolo, ka morago ga ge a bone mafofa a mela go dintšhu tša gagwe, goba, dintšhuana o tšea kgopolo gore o ikemišeditše ga ba ye go tlemelelwa lefaseng. Le a tseba, Modimo o tšea yeo, le yena, ga A nyake le be bohle, go no tlemelelwa fase ke dilo tša lefase.

⁸⁶ O tšea kgopolo gore ga a ye go dumelela dintšhuana tša gagwe tše nnyane go ba bjalo ka dikgogo. Ke thabile gore Modimo o dira selo sa go swana. Ga A nyake le le dikgogo, ditopeledi, O le nyaka le le ntšhu.

⁸⁷ Gomme kafao gona, o di lebelela gohlegohle gabotse go fihlela a nagana gore—gore di ne mafofa a go lekanela go tšona. Kafao, gona o—o ya ka gare ga sehloga, gomme o tšea molomo wa gagwe wo mogolo, gomme o gogela letlalo lohle lela la mmutla le letlalo la nku ka ntle kua, gomme a le lahlela ka ntle. Gomme ka gona nako ye nngwe le ye nngwe dintšhu tše nnyane tšeo di thoma go dula fase, goba di gata, ke tša go hlaba le meetlwa. Bothata ke eng? Ga a nyake gore di tlwaelane le sehloga.

⁸⁸ Yeo ke tsela ye Modimo a dirago Kereke ya Gagwe, O lahlela diteko le ditlaišego godimo ga gago. “Morwa yo mongwe le yo mongwe yoo a tlogo go Modimo o swanetše go lekwa le go solwa ke Modimo.” Ga A nyake o tlwaelane le lefase le. Mohlomongwe O go lahlela malaong a bolwetši, mohlomongwe O go dumelela go ba le bothata bja pelo, sa go hlaba, mogohle o retologago, go na le sa go hlaba. Baisa ba bannyane ba no se kgone go kgotlelela. Gomme ka nako ye nngwe, di hwetša dišo gohle, ka gore nako le nako ge di thoma go kwatama fase, sa go hlaba se a di hlaba.

⁸⁹ Oo, yo mongwe le yo mongwe yoo a kilego a itemogela tswalo ya ntšhu, wenamong o le yo mongwe wa dintšhuana tša Jehofa, le tseba se ke bolelago ka sona: diteko le moleko. Ramaatlakamoka Modimo o tšeetše Morwa wa Gagwe Mong ka lešokeng gomme a lokolla diabololo godimo ga Gagwe. Nnete. “Gomme morwa yo mongwe le yo mongwe yoo a tlogo go Modimo o lekwa le go solwa ke Modimo.” Diteko le ditlaišego, go phuhlama, se sengwe le se sengwe se sa sepele gabotse, o lahlegelwe ke kgwebo ya gago, bagwera ba gago ba go tsatoga, sa go hlaba *mo*, le sa go hlaba *mola*, e no elelwa, Modimo o a go leka, Modimo o ya go go direla se sengwe.

⁹⁰ Ke elelwa tate wa ka mong a mpotša, “Rwala diaparo tša gago gomme o tšwe fa ka mohuta woo wa bodumedi.” Ke dirile, eupša oo, ga se nke ka ke ka ba maswabi.

⁹¹ Ka gona, ke a elelwa, gape, dinonyana tše nnyane tšela morago ga ge di hlabilwe, gomme ka gona, mme wa kgale o a di bona, tšohle di bohloko, tšohle di hlabilwe mo maotong, mohlomongwe go swana le ba bangwe ba lena mo bošegong bjo, ba babjago le go tlaışega, bohle le hlabilwe, baisa ba bannyane ba go šokiša, ba a tswinya, le go kitima mmogo seng sa bona, o tla godimo ga sehloga, gomme o thoma go ba goeletša, a ba kgobela mmogo bohle ka lefelong le tee ka mmero o tee. Le a bona, o nyaka ba tsebe leleme la gagwe. Modimo o dira selo sa go swana, O nyaka le ithute leleme la Gagwe.

⁹² Ka fao, o ya go ba tšea ka mofofong wa bonoši, wa bona wa mathomo, kafao mme ntšhu wa kgale, o fihla godimo kua, o ema godimo ga sehloga, gomme o a ba goeletša, ba goeleta morago go fihla ba kgona go bolela leleme la gagwe. Ke rata seo. Ka gona ge a sa na le bona bohle godimo kua mmogo, o phatlalatša pele tšona diphego tše kgolo. Oo, ba lebelela godimo, gomme ba re, “Mama, ga se nke ka tseba o be o le yo mogolo kudu.”

⁹³ A o kile wa tsena bothateng, moo ngaka a rego o ka se kgone go phela gape, goba o nagana o ile, gomme o kile wa bona Testamente ya Kgale le ye Mpsha e phurulogile pele ga gago? “O yo mogolo gakaakang, O yo mogolo gakaakang!” Ga se wa ke wa tseba gore O be a le yo mogolo gakaakang go fihla o retolla mahlo a gago a mannyane, a go babja gomme wa lebelela godimo go Yena, Jehofa Ntšhu a eme fale, “Ke a swana maabane, lehono, le go ya go ile.” Jehofa Ntšhu! O yo mogolo gakaakang!

⁹⁴ Ka gona ba thoma go lebelela, gomme ge ba lebelela mme yo mogolo yola . . .

⁹⁵ A le kile la lebelela godimo go dinaledi nako ye nngwe, ke makala ka fao ye nngwe le ye nngwe e bolokago lefelo la yona? A le kile la nagana ka Yo a laologo lefase le, ka fao le emego ka obiting ya lona, ka fao saense e kgonago go akanyetšapele go motsotso mengwaga ye masomepedi pele, ka fao ngwedi le letšatši di tla fetago bakeng sa phifalo? O yo mogolo gakaakang, O yo mogolo gakaakang! A le kile la lemoga ke bontši gakaakang. . . ? Gobaneng A—A ka—A ka tšea letšatši, gomme a goga meetse a mantši mo metsotsong ye mehlano gomme lešata le lennyane, go feta re ka kgona go pompa pakete ya kalone go tšwa pompang. Yena ke Modimo, Yena ke yo mogolo, gomme re lebelela godimo go Yena go bona ke Yo mogolo gakaakang.

⁹⁶ Seo ke se A lekago go se dira ge A butšwetša Testamente yela ya Kgale le Testamente ye Mpsha pele ga lena, “Ntebelele, Ke nna yo mogolo gakaakang!”

⁹⁷ Mme ntšhu yola wa kgale o gatela morago le pele, ke ba šeditše makga a mantši ka diferekeikere tša ka, šole o eme ka diphego tšela tše kgolo dikgato tše lesomenne go kgabaganya. Dintšhu tše nnyane di boletše seng sa tšona, “Mama wa rena ke nonyana ye kgolo!”

⁹⁸ Ka fao kereke, ka fao monna yo a nago le Modimo, a amogetšego Kriste bjalo ka Mophološi wa Gagwe wa sebele, gomme O thoma go lebelela godimo kua le go bona ka fao Modimo, yo mogolo a lego, ka fao A . . . ka fao A lego yo mogolo.

⁹⁹ Ka gona ntšhu ye ya kgale e tšea sephetho gore baisa ba bannyane bale ba na le mafofa a go lekanela go fofa. Eupša go ka no ba mafofa a go hlepha ka go tšona, gomme ge ba na le mafofa a a hlephilego, gomme o ba tšea go fofa, ba tla robega molala wa bona. Kafao, o ba tliša bohle ka mmero o tee lefelong le tee, bohle ba bolela leleme la gagwe, gomme ka morago o ema fale ka diphego tšela tše kgolokgolo, gomme o thoma go futhela: o phaphasela godimo ga bana ba gagwe. O dira eng? O a ba ruta. Ba tswetšwe ka mphatšeng, eupša go na le phefo ye maatla ya go kitima ye e tlogo fase go tšwa diphegong tša mme.

¹⁰⁰ Go tšwa go Testamente ye Mpsha le ya Kgale, Modimo yola wa go swana yoo ka mehla a bilego Modimo, Yena ke Modimo wa Abraham, Yena ke Modimo wa Moshe, Yena ke Modimo wa Jakobo. Yena ke Modimo wa baapostola, Yena ke Modimo ka dintlong, Yena ke Modimo ka lebatong la ka tlase, Yena ke Modimo go ya go ile, gomme O eme fale ka go Phefo yela ye Maatla ya go Kitima, yena Modimo yoo a etilegopele bana ba Baheberere go tšwa leubeng la mollo, o etilepele Moshe go kgabola lešoka, yena Modimo yoo o tliša pele maatla go kgabola diphego tšela tšeo di šikinyago lefofa le lengwe le le lengwe la go hlepha le lego ka go wena.

¹⁰¹ Bothata, kereke e ka se kgone go tšea mofogo wa yona lehono, e na le mafofa a mantši a go hlepha, dilo tše dintši kudu—dilo tše dintši kudu tša lefase. Gobaneng, ge ba ka tomola mafofa ohle a go hlepha, o ka se sa ba le mafofa gape.

¹⁰² Mme ntšhu wa kgale o eme fale, gomme o a di hlapiša. Ka fao bohle ba bolelago leleme la gagwe, ba goeletša thwi morago go yena, gomme o ba futhela ka Testamente ye Mpsha le ya Kgale, go tliša, go ba laetša ke Modimo wa go swana, Yena wa go swana, maatla a go swana, Jehofa wa go swana. O boloka . . . O swara yo mongwe le yo mongwe wa dintšhuana tša Gagwe ka tsela ya go swana.

¹⁰³ Mme ntšhu ga a fetole tsela ya gagwe, o fa dintšhuana tša gagwe tlhahlo ya go swana. Bjale o re, “Bana, ga se nke la ke la ba ka go mofogo boka wo, eupša ga ke boife go le tšea bjale, gobane le dintšhu.” Kafao, o re, “Tabogelang godimo ga diphego tša ka,” gomme o a retologa yenamong, a phurulla diphego tša gagwe tše kgolokgolo, ntšhu ye nngwe le ye nngwe ye nnyane e tabogela godimo ga diphego tša gagwe, gomme e bea leoto *mo*, leoto *mo*, gomme e tšea molomo wa yona wo monnyane gomme ya swarelela.

¹⁰⁴ Ke ka mokgwa wo o tlogo go Kriste, o swareletše go sefapano ka soulo, mmele, le moya, o ya go tšea go namela. Ke ka mokgwa

wo o swarago tshepišo ya Modimo. Ge Modimo e be e le Mofodiši ka go Testamente ya Kgale, ke Yena Mofodiši ka go Testamente ye Mpsha, ke Yena Mofodiši lehono, o swareletše soulo, mmele, le moya, ka gore o ya leetong. Ke a holofela re a e tšea bošegong bjo.

¹⁰⁵ Swarelela, o ka se kgone go tomola wona mafofa. Le a bona, o na le lebaka la yona. Ntšhu ye nngwe le ye nngwe ye nnyane, e thabile nako yeo, o a tseba ke ntšhu, o tswetšwe e le ntšhu, gomme o a bona gore o swana le ge mme a le. Kafao, o bea molomo wa gagwe wo monnyane fase, o itshwareletša gabotse, go swinelela, “Go lokile, Mama, a re ye.”

¹⁰⁶ Mme ntšhu yola wa kgale o sepelela bofelong bja sehlagela, o tšea tšona diphego tše kgolo le go di iša ntle. O fofa go tšwa sehlageng sela le tšona dintšhu tše nnyane di kgomaretše godimo ga diphego tša gagwe, gomme o a namelela, le go namelela, le go namelela, le go namelela, go fihla a fihla thwi a se sa bonala, go nyakile, godimodimo ka moyeng go fihla o sa kgone le go bona mobu. Ke di šeditše ka diferekeikere tša ka go fihla di lebega boka dipatso tše nnyane.

¹⁰⁷ Le tseba se a se dirago ge a fihla godimo kua le ona masea a mannyane? O a di hlohlora ye nngwe le ye nngwe; ke dintšhu, di kgona go kgotlelela. Ge e le dikgogo, di ile; ge e le dintšhu, di diretšwe yona.

¹⁰⁸ Ge o tlemolotšwe ka morago ga ge o rapeletšwe, gomme thapelo ya tumelo e boletšwe, goba o amogetše Kriste bjalo ka Mofodiši wa gago, ga ke kgathale ke mang a go botšago se sengwe go fapana, ge o le ntšhu, o tla swarelela go ditshepišo tša Modimo. Ga ke kgathale se se diregago, ga go go šikinya goba ga go selo gape se ka tsogego sa go šikinya go tloga go yona.

¹⁰⁹ E ka no ba dingaka tše masometlhano di eme kgauswi le wena le go go botša o a hwa, o ka se e dumele, o ntšhu, o tseba tshepišo.

¹¹⁰ Gomme ka pela ge a di hlohlora, o re, “Go lokile bana, go fedile go lena. Bjale, ga se wa ke wa fofa pele, ga se wa ke wa ba le boitemogelo bjo bo itšego bja seminari, ga o bo hloke, e no phurulla diphego tša gago tše nnyane gomme o ipshine.” Yeo ke tsela ye ke e ratago. Oo, nna! “Phurulla diphego tša gago tše nnyane, ipshine.”

¹¹¹ Ga ba boife, ke dintšhu, ga ba boife bohlanya. Gobaneng? Mma wa kgale o tabogela go ya ka lehlakoreng le lengwe gomme o fofela godimo go dikologa a ba bogetše. Ba no ipshina, gobane ba khutšitše ka bogoneng neng le neng bja mme le bokgoni bjo a nago nabjo. Ge yo motee a eba le petekwane, gomme a tšwela ka ntle ga mothalo, o tla mo gogela godimo ga diphego tša gagwe tše kgolo le go mo tliša morago go mogau gape. Amene. Yeo ke nnete. Se tshwenyege! Se tshwenyege ka bohlanya. Ge Sengwe se le ka pelong ya gago, se hemela godimo ga gago, “Modimo ka

mehla o gona. Nka se tsoge ka le tlogela goba go le lahla. Jesu Kriste, wa go swana maabane, lehono, le go ya go ile,” O tla go tliša morago go maatla le mogau wa Modimo. O na le diphego tše pedi tše kgolo di tletše ka yona mo.

¹¹² O a tloga, gomme o a di šetša. Gomme ge yo mongwe a hwetša petekwane, feela go tšwa mothalong, o no huhumela thwi godimo ga gagwe ka diphego tša gagwe tše kgolo, maoto. Go mo tliša thwi morago godimo gape, le go mmea ka lefelong. Bjale, di ya godimo kudu, gomme o kgona go fofa ka lebelo kudu, ga di kgone. . . Gobaneng, q ka fofa makga a lekgolo ka lebelo go feta a ka wa. O ba bea tšona diphego tše kgolo, gomme o tabogela thwi fase gomme a mo topa. O e bea thwi godimo, gomme šo o tla thwi morago godimo go ka moka ga bona.

¹¹³ Ga ra swanela go tsoge ra ahlola ngwanešu ge a iteile dipetekwane, e nong go elelwa, Mama o tla mo kukela godimo, seo ke sohle se lego go yona. Ge a le ntšhu, o swanetše go tla morago.

¹¹⁴ Mo tliše thwi morago gape gomme o mmee le sehlopha. E no tšwelapele o pokapokiša diphego tša gago. Difofi tše nnyane di no ya, le a tseba, di na le tsošetšo ya Pentecostal godimodimo ka leratadimeng, moo go sego magotlo, go sego dipeba, go sego mekgaditswane, go sego digwegwe, ga go selo se ka kgonago go ba gobatša.

¹¹⁵ Oo, ke rata o mphagamišetše ka godimo ga meriti. Mphe. . . Bea maoto a ka godimo ga mabala a godingwana. Mphagamišetše ka godimo ga meriti moo Lentšu la Modimo la therešo, le hwetšwago. Ka Mmušong wo o tletšego ka letago, oo, ke moo ke nyakago Modimo a ntšeela. Ntšee go tloga go mororomelo wo wa lefase gomme ke ye pele tlase mo, a nke ke ye godimo moo re lego ka godimo ga meriti, godimo ka go leratadima la legodimo, ke tsebe gore leihlo la Gagwe le šetša godimo ga rena.

¹¹⁶ Bjale, kgogo ga e tsebe selo ka seo, e no se tsebe e dire eng. Ke kgona go bona dintšhu tše nnyane tšela godimo kua di phaphasela go dikologa, gomme sehlopha sa dikgogo tše nnyane tlase kua di ngapa mokgobong wa manyora, di lebelela godimo ka mokgwa *wola*, di re, “*Nce, nce, nce, nce!* Bohlanya bjo bo bjalo!” Le a bona? A le ka eleletša seo? Gobaneng? Ga a tsebe se ba se dirago, a ka se kgone go fihla godimo kua, a ka se kgone go tloša maoto a gagwe mobung.

¹¹⁷ Yeo ke tsela ka batho nako ye nngwe, o tlemeletšwe lefaseng kudu, go fihla ba ema godimo ga lentšu la motho sebakeng sa Lentšu la Modimo. Modimo o boletše bjalo, seo se a e ruma! Dintšhu di a e dumela, ga ke tsebe ka dikgogo, eupša dintšhu di dumela Lentšu le lengwe le le lengwe leo Modimo a rilego ke therešo, di dula thwi go Lona. “Jesu Kriste o a swana maabane, lehono, le go ya go ile,” Morena o bolela seo, ba re, “Amene,” go

yona. Ge Jesu a rile, “Mediro ye Ke e dirago, le tla e dira le lena,” ba re, “Amene,” go yona, ba a e dumela. Modimo o ba lekola ka seo.

¹¹⁸ Ke kwele kanegelo nako ye nngwe, gore go be go le molemi, yo a bego a eya go bea kgogotshadi. Bjale, ke a thanka lena batho bohle le tseba se go se tšeago go dira go alamela mae. Gomme o be a hlaelwa lee le tee ka go ba le go lekanela, gomme o beile lee la ntšhu ka fase ga kgogo. Seo se mabapi le tsela yeo go bago palogare: le tee go go alamela.

¹¹⁹ Eupša, go le bjalo, ge moisa yo monnyane yo a phaphašitšwe, o be a le o šele ka nageng ye šele; yeo ke tsela ge a mangwe a mafelo a a phaphaša ntšhu gatee ka lebakana. O be a sa tsebe a dire eng, o be a sa . . . kgone go kwešiša leleme la bona. Kgogotshadi e be e tšwela ntle kua gomme e ngapa ka serapeng sa ntlo ya bobolokelo, gomme e goeela, “*Koro, koro, koro, koro, koro, koro!* Matšatši a mehlolo a fetile. Ga go selo se sebjalo bjalo ka phodišo Kgethwa. Dilo tšohle tsela tša Moya wo Mokgethwa ke bohlanya.”

¹²⁰ O be a sa kgone go kwešiša seo, o be a le mohuta wa bonoši. Gomme o lebeletše tikologong, o naganne, “A mo ke mo ke lego wa gona? Bjale, ga ke lebelele godimo ka tsela *yeo*, gobane yeo e bile nako ye nngwe, eupša re tlase fa bjale. Le a bona?” Eupša o be a sa kgone go kwešiša seo, o lebeletše godimo, go be go lebega botse gabotse go yena. Gobaneng? E be e le tlhago ya gagwe. O be a le ntšhu sa mathomo, o be a se gae. A le kile la bona e ka ba mang wa bona ka mokgwa wola? Ke be ke le yo mongwe wa bona.

¹²¹ Kafao gona, selo sa pele le a tseba, go kekeretša ga kgogotshadi, o be a sa kgone go e kwešiša; dikgogo, dijo tša tšona, le ka tsela ye di bego di tla ja, gobaneng, o be a sa kgone go kwešiša seo, go tla fetola mogodu wa gagwe wo monnyane go bona ka tsela ye ba jago. Nako ye nngwe e a dira, Mokriste wa kgonthe ka go ya kgale, kereke ye fomale, dijo: dipapadi tša panko, diphathi tša dikarata, dilalelo tša sopo bakeng sa moreri; Modimo ga a thekge seo.

¹²² Kafao gona selo sa pele le a tseba, letšatši le lengwe ge a be a le ntle fale a kitima mmogo a nnoši a lebeletše tikologong, diphego tša gagwe tše nnyane di phuthilwe, o be a sa tsebe a dire eng, gomme kgogo yohle ye nnyane e be e eja dijo tša yona. O be a sa kgone go e kwešiša. Eupša go tlile mme ntšhu wa kgale go kgabola lefaufau, a mo tsoma, o fofetše godimo.

¹²³ Ke thabile kudu gore O nkhweditše letšatši le lengwe, le nna. Ga se ka ke ka Mo hwetša, O nkhweditše. Ke tsebile go be go le Sengwe, felotsoko. Go be go le Sengwe ka pelong ya ka ge ba mpoditše gore dipono le dilo ke tša diabololo, phodišo Kgethwa yela, ao e be e no ba maemo a monagano, go be go le Sengwe tlase ka kua se mpoditše go fapana, ke tsebile seo e be e le phošo.

¹²⁴ Mme ntšhu wa kgale o fofile go feta, gomme o lebeletše fase, gomme o bone ngwana wa gagwe, gomme o goeditše. Gomme ge a goeditše, o kwešišitše leleme lela. O goeditše, “Jesu Kriste wa go swana maabane, lehono, le go ya go ile!”

Ntšhu ye nnyane yela e rile, “Seo se kwagala gabotse!”

¹²⁵ O tlile morago go kgabaganya gape, o rile, “Morwa, ga se wena kgogo, ke wena wa ka!” Ke thakgetše kudu. Haleluya! “O ngwana wa ka, ga se wena wa tšona dikgogo.” O lebelela gape, “A nka phoša? Ke tla mo leka.” Modimo ka mehla o leka bana ba Gagwe ka Lentšu. Gomme o goeleta morago, gomme o rile, “Ge o le ntšhu gomme o dumela. . .”

“Ke tšwa bjang ka mo, Mama?”

¹²⁶ “Selo se nnoši o se dirago e no ba go taboga le go thoma go pokapokiša diphego tša gago tše nnyane, di tla go kuketša.” Taboga, kitima go leba aletareng gomme o pokapokiše tumelo yeo ye nnyane yeo o e hweditšego gannyane nthatana, bona gore e tla go direla eng. Ge o babja ka kua, o ehwa, e no dira go kitimela go leba Khalibari, šomiša tumelo yela o nago nayo, šetša se se diregago.

¹²⁷ O dirile motabogo, le a bona, gobane o be a le ntšhu. Bjale, ge nkabe a be a le kgogo, a ka be a rile, “*Nce, nce, nce!* O ka se tsoge wa nkgolaganya le sehlopha sela sa bapshikologibakgethwa. O ka se tsoge wa ntliša ka go bohlanga bjola. Oo, aowa.” Eupša o be a le ntšhu, gomme o šeditše Lentšu.

¹²⁸ Motho e ka ba mang yo a lego Mokriste, ge Beibele e bolela eng kapa eng, o tla re, “Amene,” go yona, ‘gabane Moya wo Mokgethwa woo o mo tswalago ke Yena yoo a ngwadilego Lentšu.

¹²⁹ A thoma go pokapokiša diphego tša gagwe tše nnyane, gomme a tabogela godimo ka maatla ka fao a bego a kgona, o be a sa tshwenyege ge eba go be go lebega bjalo ka mopshikologimokgethwa go wona mantsuana goba aowa, o be a obamela lentšu le a le boditšwego. Gomme a taboga, gomme a thoma go phaphasediša diphego tša gagwe tše nnyane, gomme a tloša maoto a gagwe mobung, o ikwetše gabotse. Morago o kotame thwi godimo ga kota ya ntlopolokelo, thwi ka bogareng bja mokgatlo wa Pentecostal wo o ageletšego dikgogo ka magora ohle, o re, “O se ke wa amana le sehlopha sela.” Re na le bona.

¹³⁰ Gomme mmagwe a tla morago, a re, “Morwa, o tla swanelwa ke go tabogela godingwana go feta fao, goba nka se tsoge ka go hwetša.”

¹³¹ Ke ka tsela ye go lego, ngwanešu, o swanetše go tabogela ka matsogong a Modimo, o swanetše go tloga maotong a gago, o swanetše go tloga mathuding a kerekeleina, o swanetše go lahlela matsogo a gago ntle go monna le mosadi yo mongwe le yo mongwe yo a bolelago Jesu Kriste go ba Morwa wa Modimo.

Nnete. Ba rate, phušula mapheko a gago, o se ba ageletše ka gare. Dintšhu di kgona go fofa legora.

¹³² O mo swere. Oo, go be go lokile bjang, go tšea mofofonoši wa mathomo godimo ka moyeng, gobane o be a le ntšhu.

¹³³ Ga go pelaelo eupša gore go na le dintšhu fa bošegong bjo bao le sa nkago la tšea mofofonoši wa lena wa mathomo, ga o tsebe ke eng go tlatšwa ka Moya wo Mokgethwa. Mohlomongwe ga o tsebe ke eng go ba le dipele tša lethabo la Modimo di lla ka pelong ya gago. Mohlomongwe o tla lebelela le go bona maatla a Modimo a sepela, boka monna wa sefoku a eme fa bošegong bja go feta go amogela pono ya gagwe, wa bona Morongwa wa Morena a tshepišitše ka Beibele, bjalo ka ge re be re rera beke ye, go bontšha gore O tla dira dilo tša go swana feela pele Morena Jesu a tlile, tšeo A di dirilego mo matšatšing a Sodoma.

¹³⁴ Ka fao Monna a tlilego, motho, a lebeaga boka, a apere boka motho, lerole diaparong tša Gagwe, o rile O be a le Mosetsebje, o dutše fase le Abraham, Kereke ye e kgethilwego, mola go be go le Billy Graham wa sebjalebja, le go ya pele, le Jack Shuler, o ile tlase le go fofatša batho ka go rera Ebangedi ka Sodoma, go kereke ye bolelo, go ba biletša ntle.

¹³⁵ Eupša Morongwa o tlile go Bakgethiwa, gomme o dutše fale le Abraham le sehlopha sa gagwe. Šetšang se A se dirilego. O rile, “Abraham, mogatšago o kae, Sarah?” O tsebile bjang o bile le mogatša? O tsebile bjang leina la gagwe e be e le Sarah?

O rile, “O ka tenteng ka morago ga Gago.”

Gomme Sarah, ka tenteng, o segile ka teng ga gagwemong. Gomme Morongwa o rile, “Gobaneng Sarah a segile?”

¹³⁶ Ntšhu e tla swara seo thwi ka pela, ntšhu e tla tseba gore re ka letšatšing la mafelelo. Jesu o rile, “Bjalo ka ge go bile morago kua ka Sodoma le Gomora, go tla ba bjalo ka go tlang ga Morwa wa motho.”

¹³⁷ Mogwera, wo e bile Molaetša wa makgwakgwa, eupša, ga ke e re go ba makgwakgwa, eupša ke nyaka go o gapela gae, gore batho ba ba tswetšwego ka Moya wa Modimo, ba dumele dilo tša Modimo. Gomme Modimo o a leka, lehono, go tliša batho mmogo gore re se tlangwe ke ditaelo, le go ya pele, gore re kgone go kopanela mmogo, Methodist, Baptist, Presbyterian, Lutheran, Pentecostal, Nazarene, Pilgrim Holiness, ka go ye tee ye kgolo, Kereke ye e lopolotšwego.

¹³⁸ A re ka tla go Morena Jesu? Re ba komana go tšea mofogo go se tsoge ra bowa gape, go fihla Dikgala tša Tlaišego di fedile gomme re boela morago bakeng sa Mileniamo. Ke mofogo wo motelele, ke tsela yohle go ya ka Letagong. Jehofa Ntšhu o etla, re ikwela maatla, re bona moriti, re kwa leleme la Gagwe bjalo ka ge le bolelwa magareng ga batho ba Gagwe, “Dinku tša Ka di tseba Segalontšu sa Ka, yo šele di ka se mo latele.” Ge o le

mo bošegong bjo gomme o se wa ke wa ba le boitemogelo bja go tswalwa go ba ntšhu, a nke o Mo amogele bjale ge re rapela, ge re inamiša dihlogo tša rena.

¹³⁹ Ke ba bakae, go tswaleleng ga tirelo ye, bao ba lemogago ka gare ga lena gore ga o Mokriste? Le ge o ka no ba wa kereke, o ka no ba moleloko wa lekala wa kereke tsoko ya go tuma, seo ke se nago selo go bolela kgahlanong le sona, seo se lokile, eupša ge go etla go beng le tumelo go tsoga go tšwa khoteng, tumelo go amogela phodišo ya gago ge ngaka a go diretše tšohle a kgonago, e sego go belaela, goba go leka mahlatse a bobedi, eupša e no lebelela, gomme o re, “Modimo, Wena o Yena, gomme ke a Go dumela, ke komana go go fofa ga ka.” Goba, monna le mosadi, ge o se ne boitemogelo bjoo le Modimo, gore o a tseba gore O boloka Lentšu la Gagwe. . .

¹⁴⁰ Ge A go lahlela ntle ka moyeng, o ntšhu. O go šeditše, O šeditše go phethagatša Lentšu la Gagwe, O rata go bona se o tla se dirago ka yona. O se boife, O tla go tšea, O tla go swara, O tla go rwalela godimo, a go bea morago ka Mmušong wa Gagwe. Ge o se Mokriste bošegong bjo, o tla rata go elelwa ka go thapelo ye ya go tswalela, ge tirelo e etla bofelong, a o ka phagamiša seatla sa gago ge o sa ne hlogo ya gago e inamišitšwe, o re, “Nkgopole, Ngwaneš Branham, ge o rapela?”

¹⁴¹ Morena a go šegofatše, wena, wena. Oo, morago go kgabola moago, go theoga mothalo wa gare. Godimo go la ka le letona bjale. Ke ba bakae godimo fale? Lebelelang diatla tša lena. Modimo a le šegofatše. Bontši phagamišang diatla tša lena, “Nkgopole, Modimo, ga ke Mokriste. Nka no ba wa kereke, eupša, gomme nka no ba wa kereke ya Pentecostal; nka no ba wa Pilgrim Holiness, Baptist goba Presbyterian, ga se nna Mokriste, ke no ya fale gobane ke kereke. Nkgaoele, Modimo, ke swere seatla sa ka, ke kgopela mogau wa tshwarelo.” Go na le diatla tše dingwe tše lekgolo, lekgolo le masometlhano di bile godimo bjale. A go na le yo mongwe a ka rego, “Nkgopole, O Morena, bošegong bjo. Ga ke ne tumelo. Ga ke. . .”?

¹⁴² Gomme seo ke sebe. Seo ke sebe. Ge mo—ge monna goba mosadi a belaela Lentšu la Modimo, ke sebe. “Yo a sa dumelego o šetše a ahlotšwe.” A yeo ke nnete? “Yo a sa dumelego o šetše a ahlotšwe.” A le dumela seo? Kafao *sebe* ke eng? Gosedumele. Ge o na le gosedumele ka pelong ya gago, rapela bjale.

¹⁴³ Morena, re tliša go tswalela karolo ye ya tirelo bošegong bjo. Gomme re a Go leboga, ka baka la gore O re file dilo tše ntši go di lebelela: tlhago, Lentšu, bophelo, bophelo bja nonyana, bophelo bja ntšhu, bophelo bja mohlare, gomme mohlala wo mogologolo re nago le wona ke Bophelo bja Kriste, bjo bo bego bo swanetše go tšweletšwagape ka go rena ka Moya wo Mokgethwa.

¹⁴⁴ Ge A be a le lefaseng, O rile, “Ga se Nna yoo a dirago mediro, ke Tate wa Ka yoo a dulago ka go Nna.” Gomme O ile gohle,

gomme ge batho ba tllile go Yena, boka Simone Petro, O mmoditše se leina la gagwe le bilego, le se leina la tate wa Gagwe le bilego, Petro o e lemogile go ba Mesia.

¹⁴⁵ Ge Filipi a hweditše Nathaniele gomme a mmoditše o hweditše Mesia, ga se a kgone go e dumela. Eupša ge A mmone a etla, O rile, “Bonang MoIsraele, yo ka go yena go sego bomenetša.”

O rile, “Rabi, O ntsebile neng?”

O rile, “Pele Filipi a go bitša, ge o be o le ka tlase ga mohlare, Ke go bone.”

O rile, “Wena o Kriste; Wena o kgo—kgo Kgoši ya Israele, Morwa wa Modimo yo a phelago.” O Go lemogile go ba Mesia.

¹⁴⁶ Mmalegogwana wa go šokiša mo kgorong, o tllile ntle go ga meetse mosong wo mongwe mola Jesu a be a dutše sedibeng tlase ka Samaria, batho ba balahlwa. Gomme ge Jesu a boletše le yena le go mmotša ka seemo sa gagwe, gore o bile le bagatša ba bahlano, o rile go Yena, “Mohlomphegi, ke a bona gore O Moprofeta. Re a tseba ge Mesia a etla, O tla re botša dilo tše.”

O rile, “Ke nna Yena yoo a boelago le wena.”

Gomme o kitimetše ka toropongkgolo, a re, “Etlang, bonang Monna Yo a mpoditšego dilo tše ke di dirilego. A Yo ga se Mesia?”

¹⁴⁷ Re Mo kwa a re, “Ga Ke kgone go dira selo ka go Nnamong, eupša se Ke bonago Tate a se dira, seo Morwa o se dira go swana,” a tshepiša dilo tše di tla direga mo bofelong bja lebaka la Bantle, “Bjalo ka ge go bile matšatšing a Sodoma.” Gomme mo re di bona di bowa gape, le go direga thwi pele ga mahlo a rena.

¹⁴⁸ Re kwa dikuranta, goba, go di bala, re kwa seyalemoya, le thelebišene ka dipolelo tša Russia le lefase la baganamodimo, tša makomonisi, tša ditlleleimi tše kgolo. Gomme re bona batho ba ba tsebago gore ba ipolaya, ba leka go e nwa, goba go e sega, goba go e dira motlae ka metlae ya Hollywood. Modimo, re swanetše go lebanya dintlha, bofelo bo fa, ke nako ya bofelo.

¹⁴⁹ A nke go se be le o tee wa ba bošegong bjo yo a phagamišitšego diatla tša bona, a swanetšego go lebana le Wena ka sebe godimo ga bophelo bja bona. A nke O ba lebalele feela bjale go dikarogo tšohle tša bona. Ba fe Moya wa Gago, O Morena, gomme a nke ba phele ka Gosafelego. Ka gore go ngwadilwe ka Lentšung, “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo Bosafelego, gomme a ka se tsoge a tla Kahlolong, eupša o fetile lehung go ya Bophelong.” A nke go be le yo mongwe le yo mongwe wa bao, Morena.

¹⁵⁰ A nke ke be le monyetla ka Lehlakoreng le lengwe wa go šikinya seatla sa bona, ba re, “E bile ka Chautauqua bošegong bjola moo ke amogetšego Jesu bjalo ka Mophološi wa ka,” ge bophelo bo fedile go rena.

¹⁵¹ Tlatša bao ka Moya wo Mokgethwa ba ba sego ba O amogela. Efa tumelo go balwetši bakeng sa phodišo. Gomme a nke re kgone go ikokobetša renabeng, le go ineela renabeng go Wena, gore O kgone go tla le go phethagatša tshepišo ya Gago, bjalo ka ge O tshepišitše ka go Mokgethwa Johane 14:12: “Yo a dumelago go Nna, mediro ye Ke e dirago, o tla e dira le yena.” E fe, Morena. Re a e kgopela, Leineng la Jesu. Amene.

¹⁵² Bjale go lena ba le phagamišitšego seatla sa lena, ke a dumela le be le hlokofetše go teba ka go seo, gomme ke ya go le kgopela, Leineng la Morena Jesu, ka pela ka morago ga ge ke kitimišitše mothalo wa thapelo. . . Go na le ba bantši kudu ba babjago mo, gomme ke—ke swanetše go kitimiša mothalo wa thapelo, eupša ga wa swanela go tla godimo fa. Ge ka kgonthe o Mo amogetše ge o phagamišitše seatla sa gago, O go tšere, leina la gago le ile godimo ga Puku ya Kwana ya Bophelo.

¹⁵³ O se khutše go fihla o ekwa phefo yela e etla go kgabola diphego tša Ntšhu, boka ba dirile ka Letšatši la Pentecost. Ka gore Modimo ga a hlomphe batho. Ke a tseba go ne sehlopha sa bohlanga seo se yago pele ka tlase ga leina la Pentecost, eupša seo ga se Pentecost ya kgonthe, aowa, yeo ke go ekiša. Eupša go na le Moya wo Mokgethwa wa kgonthe. Gobaneng o ka amogela kemedi mola mafaufau a tletše ka ya kgonthe? Le a bona? Bjale, o se e dire. Modimo o tla go fa Moya wo Mokgethwa, ka gore Petro o boletše ka Letšatši la Pentecost, “Tshepišo ke ya lena, le go bana ba lena, go bona ba ba lego kgole, le ba bantši ba Morena Modimo wa rena a tlogo go ba bitša.” Yeo ke therešo.

¹⁵⁴ Bjale, ke le nyaka ka pela ge tirelo ya phodišo e fedile, thapelo bakeng sa balwetši, ke nyaka le tle godimo fa le go ema go dikologa aletara ge re dira pitšo ya aletara, le go neela ditebogo go Modimo, gore batho fa ba kgone go bona gore o amogetše Jesu bjalo ka Mophološi wa gago. Ka gore O rile, “Ge o ka Mpolela pele ga batho, yena Ke tla mmolela pele ga Tate wa Ka le Barongwa ba bakgethwa.” A nke Morena a le šegofatše.

¹⁵⁵ Bjale re ya go bitša mothalo wa thapelo. Feela pele re dira se, nka no bolela se: Re thari, e sego, thari gannyane, e sego thari kudu, ga re tsoge ra ba thari. Petro, ke a dumela, o rerile Ebangedi ya Moya wo Mokgethwa bošego bjohle botelele, monna o wele, a ipolaya yenamong, o beile mmele wa gagwe godimo ga gagwe, bophelo bo boile morago. Ke dumela Modimo.

¹⁵⁶ Bjale, ge e le bakeng sa. . . Ge go na le basetsebje e ka ba bafe fa ba sego ba ke ba ba ka dikopanong pele: ga ke ipolele go ba mofodiši. Gomme monna mang kapa mang yo a ipolelago go ba mofodiši, ke mofodiši gabotse, le a bona, eupša e sego wa Modimo, ka gore ga go phodišo ntle le phodišo Kgethwa. Ga go sehlare se se ka fodišago, ga se ka ke ka ba le ngaka ya nnete go mpotša gore ke yena.

¹⁵⁷ Banešu ba Mayo, ge ke bile le poledišanonyakišišo, le badile *Mohlolo Wa Donny Morton*, ka go—ka go taba yela ya *Reader's Digest*, *Mohlolo Wa Donny Morton*, ke bileditšwe ka gare, gomme ba rile, “Ga re ipolele go ba bafodiši, re no ipolela go thuša tlhago, go na le Mofodiši yo motee, yoo ke Modimo. Re ka se kgone go aga thišu, eupša re ka kgona go boloka lefelo le hlwekile ge Modimo a aga thišu.” Bao ke dingaka, dingaka tša kgonthe. Le a bona? Ngaka a ka kgona go bea lerapo, eupša a ka se kgone go le fodiša, Modimo o swanetše.

¹⁵⁸ Yo mongwe o rile go nna nako ye nngwe, o rile, “Go reng ka phenisilini e bolayago ditwatši tša mokhuhlwane?”

¹⁵⁹ Ke rile, “A o kile wa ba le ntlo e tletše magotlo? O beile mpholo wa legotlo ntle? A ja ntlo ya gago? Mpholo wa legotlo o bolaya magotlo, eupša ga o thibe mašoba. Seo ke se phenisilini e se dirago, e bolaya twatši, eupša ga e fodiše, 'gobane Modimo ke Mofodiši a nnoši a lego gona. Dipesaleme 103: 3, “Ke nna Morena Yo a fodišago malwetši a lena ohle.” Dingaka di tšea sehlare sa tšona beng gomme tša hwa; Modimo ke Mofodiši. Kafao, phodišo, bokgole bjo Modimo a bego a amega, ge Jesu a hwile kua Khalibari: “O gobaditšwe ka baka la dikarogo tša rena, ka megogoma ya Gagwe re *šetše* re fodišitšwe.” A yeo ke nnete?

¹⁶⁰ Ka gona o re, “Ke phološitšwe metsotso ye mehlano ya go feta, Ngwanešu Branham.”

¹⁶¹ Aowa, o be o se, kgaetšedi, ngwanešu, o phološitšwe mengwaga ye makgolo a lesomesenyane ya go feta, o sa tšwa go e amogela metsotso ye mehlano ya go feta. Le a bona? Yeo ke nnete.

¹⁶² Phodišo ya gago, lesogana le godimo ga dikhote le maako, le—le bana ba bannyane ba ka go dithekgeletši, le—le wena ka bothata bja pelo, le—le malwetši, le fodišitšwe mengwaga ye makgolo a lesomesenyane ya go feta, selo se nnoši o swanetšego go ba le sona ke tumelo go e amogela.

¹⁶³ Gomme ge o be o le modiradibe, Modimo ga se a tla tlase le go go phološa feela metsotso e se mekae ya go feta, e bile wena o tlilego le go phološwa ka go dumela, go amogela se A go diretšego. Bjale, ga go yo a ka kgonago go fodiša, Modimo ke Mofodiši, gomme e šetše e dirilwe, e no ba go netefatša tumelo ya gago ka go Modimo. E bitšwa, “Phodišo ya tumelo,” phodišo ya gago.

¹⁶⁴ Bjale, Modimo ke wa go loka . . . O romela Lentšu la Gagwe, ge o ka se dumele Lentšu la Gagwe, gona O bea ka Kerekeng diofisi tše tlhano tša go fapana, ba pele baapostola, baprofeta, barutiši, badiša, baebangedi, ke bakeng sa go phethagatša Kereke. Gomme ka go mmele wo mongwe le wo mongwe wa selegae, O bea dimpho tše senyane tša semoya ka mmeleng wa selegae, tšeo ke dimpho tše di yago go tloga go yo motee go ya go yo mongwe. Eupša ba ba beilwe le go kgethelwapele ke Modimo.

“Dimpho le dipitšo di ka ntle ga tshokologo.” Le tseba seo? Nnete, ke bona. Bjale, ka gona Modimo o ba bea ka Kerekeng.

¹⁶⁵ Bjale, Jesu o tshepišitše gore . . . Baprofeta ba tshepišitše gore go tla ba le letšatši le le tlogo, gore e ka se be bošego goba mosegare, go ba leutu, eupša o rile, “Nakong ya mantšiboa, go tla ba Seetša.” Ke ba bakae ba kilego ba bala seo ka Lengwalong? Nnete.

¹⁶⁶ Go diregile eng? Go ya ka thutafase, letšatši le hlaba ka bohlabela gomme le dikela ka bodikela. Gomme Moya wo Mokgethwa, Morwa wa Modimo, botho bja Gagwe bo wetše godimo ga batho ba Bohlabela pele; bjoo e be e le go hlaba ga letšatši. Bjale, go bile le letšatši leo le fetilego godimo, leo e sego leswiswi, ke leutu. Re bile le tsebo ya go lekanela ya Lentšu go, ka go Modimo go phološwa, go tšoena kereke, le go ya pele, eupša e rile, “Nakong ya mantšiboa go tla ba Seetša,” go batho ba Bodikela, feela boka go bile ka go batho ba Bohlabela. Letšatši la go swana le le hlabago ka bohlabela, le dikela ka bodikela.

¹⁶⁷ Re mo go tswaleleng ga lebaka la Bantle. Bao ke batho ba Bohlabela, ba ke batho ba Bodikela. Gomme Moya wo Mokgethwa wa go swana wo o tlilego ka go Monna yo a bitšwago Jesu Kriste, le go dira mehlolo, o tshepišitše gore mo go dikeleng ga letšatši, gore O tla bowa morago, gomme o tla dira tšona dilo tša go swana tšeo A di dirilego ge A be a le fa le batho ba Bohlabela.

¹⁶⁸ Bjale, mang kapa mang o a tseba yeo ke therešo. “Bjalo ka ge go bile ka matšatšing a Sodoma, Gomora, go tla ba bjalo.” O dirile eng? Ga se nke A fodiša batho, ga se nke A tleleima go ba Mofodiši, O rile, “Ga se Nna yoo a dirago mediro, ke Tate wa Ka yoo a dulago ka go Nna.” O rile, “Mo . . . Nna ke nnoši . . . Morwa ga a kgone go dira selo ka go Yenamong,” Mokgethwa Johane 5:19, “Morwa ga a kgone go dira selo ka go Yenamong, eupša se A bonago Tate a se dira.” Kafao gona ge Jesu a tsogile go tšwa bahung, gomme ge A boloka tshepišo ya Gagwe gore O tla šoma dilo tšeo . . .

¹⁶⁹ Bjale, ge A ka be a eme fa bošegong bjo a apere sutu ye yeo A mphilego, gomme o tla sepelela godimo go Yena, gomme wa re, “Morena, ke a babja, a O tla mphodiša?”

¹⁷⁰ O be a tla re, “Ngwana wa Ka, Ke dirile seo ge Ke go hwela kua Khalibari, ka gore Ke gobaditšwe ka baka la dikarogo tša gago, ka megogoma ya Ka, o šetše o fodišitšwe.”

¹⁷¹ Bjale, A ka kgona go dira, gomme o tla kgona go dira maswao go go laetša gore O be a le Mesia. Gomme ge Jesu Kriste a swana maabane, lehono, le go ya go ile, O tla fa leswao la go swana la Bomesia le A le fago babohlabela, O tla fa go babodikela, gobane O tshepišitše O tla e dira.

¹⁷² Batho ba tsebile bjang O be a le Mesia? Ge Petro a tlišitšwe go Yena ke Andrea, ngwanabo, gomme Jesu ga se a ke a mmona pele,

O rile, “Leina la gago ke Simone, o morwa wa Jona.” Gomme motheadihlapi yola wa go hloka tsebo, yo ebile a bego a sa kgone go ngwala leina la gagwe, o bile hlogo ya Kereke gobane o e dumetše.

¹⁷³ Ka pela Filipi o ile go hwetša Nathaniele. Gomme ge Nathaniele a hweditšwe, gomme o boditšwe gore ba hweditše Mesia, “Gobaneng,” o rile, “a go ka ba le selo e ka ba sefe se sebotse go tšwa go—go naga yela ye nnyane ya kgale tlase fale e bitšwago Nasaretha, toropokgolo?”

O rile, “Etla, o bone.” Seo ke selo se sekaonekaone go se dira.

¹⁷⁴ Gomme ge a mmoditše ka ga se A se dirilego go Petro, o mmoditše, o rile, “A o a tseba...?” Boka, mohlomongwe poledišano ya bona e be e le se sengwe boka se: “Re a tseba gore Moshe o re tshepišitše,” bjale, yeo ke Israele, “Moshe o re tshepišitše gore ge Mesia a tla tla, gore O tla ba Modimo Moprofeta.” Ke ba bakae ba tsebago yeo ke therešo? “Morena Modimo wa lena o tla tsoša Moprofeta wa go swana le nna.” Ke ba bakae ba tsebago o be a bolela ka Mesia? O tla ba Modimo Moprofeta. Gomme o rile, “Monna yo o kgotsofatša maswanedi.”

¹⁷⁵ Kafao o sepeletše godimo moo A bego a le gona. Gomme ka pela ge a etla ka phuthegong, ka mothalong wa thapelo, goba e ka ba kae go bilego moo Jesu a bego a rapela... Filipi, ba tleleimile, o ile dimaele tše lesometlhano go dikologa thaba go mo hwetša, dimaele tše masometharo, a tla morago letšatši la go latela le yena, a mo tliša kopanong moo Jesu a bego a swere ditirelo tša phodišo. Gomme ge a etla godimo pele ga Jesu, Jesu o rile, “Bonang Moisraele, yo ka go yena go sego bomenetša.”

O rile, “Rabi,” goba moruti, morutiši, e ka ba eng o dumago go e bitša, “O ntsebile bjang? Ga se wa ke wa mpona pele.”

O rile, “Pele Filipi a go bitša, ge o be o le ka tlase ga mohlare, Ke go bone.”

Thwi nako yeo, o wele ka sefahlego sa gagwe, gomme o rile, “Wena o Morwa wa Modimo; Wena o Kgoši ya Israele.”

¹⁷⁶ Mosadi, mosadi yola wa Mosamaria, ka pela ge Jesu a mmoditše gore o be a phela sebeng, le go mmotša se sephiri sa pelo ya gagwe, ka pela ge Jesu Kriste a boditše mosadi wa Mosamaria...

¹⁷⁷ Bjale, Bajuda ba be ba lebeletše Mesia, le Mosamaria o be a le bjalo, eupša Bantle, re bile le diklapo mokokotlong wa rena le go rapela medingwana ka go wona matšatši, re be re se ra lebelela Mesia. Ga se nke A e bonagatša, O rile, “Le se ye go Bantle, nako ya bona e tla ba moragorago, eupša eyang go dinku tše di lahlegilego tša Israele.”

¹⁷⁸ Kafao, ba ba Mo lebeletše, Basamaria ba, kafao O fetile. Gomme mosadi yo a emego fale, O rile, “Ntlišetše seno.”

O rile, “Gobaneng, ga se setlwaedi, re na le kgethologanyo mo,” le go ya pele.

Gomme ge Jesu a fihla tlase go fihla A hweditše moo bothata bja gagwe bo bego bo le gona, O rile, “Sepela, hwetša mogatšago, gomme le tle mo.”

O rile, “Ga ke ne mogatša.”

O rile, “O boletše gabotse, gobane o ne bagatša ba bahlano.”

O rile, “Mohlompegi . . .”

¹⁷⁹ Theetšang, bjale, Bajuda ge A dirile seo, ba rile O be a le mmolelelamahlatse, Beletsebubu, Jesu o rile, “Ke tla le lebalela bakeng sa seo, eupša letšatši le lengwe Moya wo Mokgethwa o tla tla, gomme o bolela lentšu kgahlanong le Wona,” leo ke letšatši le, “go ka se tsoge gwa lebalelwa ka go lefase le, le ka go lefase le le tlogo.” Ke ba bakae ba tsebago Lengwalo leo?

¹⁸⁰ Kafao, ge o sa dumele, o se bolele selo, e no homola gomme o ye pele, le a bona, 'gobane Jesu o rile e tla ba go se lebalelwe. Seo ke tlwa se A bego a se dira. O rile O bile le . . . A bitša Moya wa Modimo, a hlatha se e bego e le bothata bja batho, moya wo mobe, Moya wa Modimo, go rogaka, o O bitša moya wo mobe, Moya wa Modimo. Ba be ba se ne tlhatho ya semoya go tseba E be e le Moya wa Modimo.

¹⁸¹ O rile, “Gabotse, le kgona go hlatha sefahlego sa mafaufau. Ge nkabe le Ntsebile, nkabe le tsebile letšatši la Ka.” Ba tsebile gore O be a swanetše go ba Modimo Moprofeta yola, eupša ga se ba kgone go e kwešiša. Mahlo a bona a be a le leutu le go fifala, gomme ba be ba no se kgone go e kwešiša. O rile ba bile le mahlo, eupša ga ba kgone go bona, ditsebe gomme ga ba kgone go kwa, go bjalo le lehono magareng ga Bantle. Eupša theetšang, šikinyang kwešišo ya lena.

¹⁸² Ka gona re a Mo hwetša, a tshepiša ge A sepetše, “Mediro ye Ke e dirago, le tla e dira le lena; ebile ye mentši go feta wo le tla e dira, gobane Ke ya go Tate wa Ka.”

¹⁸³ Bjale, ke ba bakae ba dumelago gore Modimo ke Modimo mohlokamagomo? Nnete, le a dira. Gona ge Modimo a ka tsoge a dira sephetho go dira se sengwe ka tsela ye e itšego, O swanetše go dula le seo go ya go ile, goba O dirile phošo. Nka kgona go dira e ka ba eng, ke dira phošo, ke ne magomo. Eupša Modimo ke mohlokamagomo, A ka se kgone go re, “Ke be ke le phošo, Ke tla e leka gape.” Se Modimo a se dirago lekga la mathomo, se phethagetše. Gomme ge A itsebišitše Yenamong bjalo ka Mesia, gomme o rile yoo e be e le Mesia (Gomme bohle bao ba E dumetšego go ba Mesia ka go bontšha leswao lela, ba ka Letagong lehono.), bjale, A ka se dumelele Bantle go ya ka Mmušong ntle le pele go itlhatsela ka Boyena bjalo ka Mesia go bona mo bofelong bja lebaka la bona, bjalo ka ge A dirile mo bofelong bja lebaka la bona. Le a bona? O e tshepišitše, “Bjalo

ka ge go bile ka Sodoma,” ye re e kgabotšego bošego, “e tla ba ka go tlang ga Morwa wa motho.”

¹⁸⁴ Še yona, bagwera, e sego ka gobane gore re fa, ga ke nyake le nagane gore ke leka go gogomoša ba—ba batho ba Full Gospel, aowa, mohlomphegi, feela gobane mafofa a ka ke mmala wa a bona, yeo ga se yona, go ne sekgoba bakeng sa rena bohle. Jakobo o epile sediba sa boraro, gomme o rile, “Go sekgoba go bohle.” Methodist, Baptist, Presbyterian, “mang kapa mang a ratago, a a tle.”

¹⁸⁵ Batho ka kerekeng ya Baptist, kereke ye ke tšwago go yona, ba na le kolobetšo ya Moya wo Mokgethwa, Presbyterian. Batho ba tate wa ka ba be ba le Katoliki, bontši bja bona ba a tla gomme ba hwetša Moya wo Mokgethwa; Ke wa e ka ba mang, e ka ba mang a ratago. Ge o tswetšwe o le ntšhu, gomme o lebelela godimo le go ba bona ba nwelela ka go ditšhegofatšo tša Modimo, o komana bakeng sa yona, e no e swara, swarelela go yona, ke Modimo.

¹⁸⁶ Bjale, iri e tlile, Pilara ya Mollo e tšweletše go rena gape, le na le diswantšho tša Yona. E ka Washington, DC ka tlase ga tokelo ya khophi. Gore ge nka hwa, ge nka se tsoge ka le bona bohle gape, bopaki bja ka ke therešo. Borasaense ba a e tseba, Kereke e a e tseba, ke bile go dikologa lefase, le a e tseba. O loketše kahlolo. Go na le tsela e tee feela yeo kahlolo e ka tlogo, yeo ke ge kgaogelo e gannwe. Ge o gana kgaogelo, ga se gona se šetšego eupša kahlolo; ditšhaba tša rena di ganne kgaogelo.

¹⁸⁷ Billy Graham, go dikologa lefase a rera Ebangedi, Jack Shuler, Oral Roberts, oo, bontši bja bona, maswao le matete, go bile bareri, go bile le dimpho tša phodišo, seprofeto le tšohle, gomme ba a nwa, gomme ba a kempola, gomme ba a sega, le go dira metlae, le go dira bootswa, ba phela sebeng, go ne selo se tee se šetšego, seo ke pomo ya haetrotšene, gomme e lebile tseleng ye. Elclwang, ke le botša seo Leineng la Morena.

¹⁸⁸ Kafao ke, kahlolo e godimo ga setšhaba se, o ganne Modimo bakeng sa mafelelo a gagwe, ga go sa na kholofelo. Go tla ba le dingangišano di se kae di tlogo ka gare go amogela Moya wo Mokgethwa, eupša nako ya kahlolo ya Amerika e batametše kgauswi. Maraka seo ka Pukung ya gago gomme o bone ge se etla go phethega.

¹⁸⁹ Go lokile. Bjale, re ka rapelela batho, Modimo a ka bitša. Bjale, Beibele e boletše gore O a swana maabane, lehono, le go ya go ile. A yeo ke nnete? Ge A swana, O swanetše go swana ka kokwane, go swana ka maatla, selo se nnoši ke mmele wa Gagwe o dutše ka seatleng se setona sa Modimo, bohle re dumela seo. O dutše ka seatleng se setona sa Modimo godimo ga Terone ya Modimo. Yeo ga se terone ya Gagwe, O tla morago go rena godimo ga terone ya Gagwe, ke terone ya Dafida, O swanetše go tšea terone ya Gagwe. O dutše godimo ga Terone ya Modimo, a letile

go fihla lenaba la mafelelo le dirwa bogato bja dinao tša Gagwe. O tla bowa letšatši le lengwe, a tliša disoulo tše bohlokwa le Yena go tšea go se hwe, go phela ka mmeleng wa letago, go phela go kgabola Mileniamo, gomme morago go ya go ile le Yena.

¹⁹⁰ Theetsang, re mo nakong ya bofelo, kahlolo e batametše. Kgaogelo e a neelwa bošegong bjo. Bjo ke bošego bja mafelelo bja kopano. Le ntaeditše morago, ke a holofela gore yeo ke thato ya Modimo; ke thato ya ka. Ge e le thato ya Gagwe, ke tla thaba go e dira: ke tla morago go thuša lena badiredi bohle.

¹⁹¹ Ga ke tshwenyege gore o tšwa kerekeng goba kerekeleina efe. Selo se nnoši. . . Ga ke—ga ke kgahlanong le kerekeleina, ke kgahlanong le sebe se se yago pele ka go kerekeleina, gomme le se tlogela se nnoši. E sego seo feela, ke kgahlanong le sebe ka go motho ka motho yo mongwe le yo mongwe, sebe ka setšhabeng. Ke no ba kgahlanong le sebe, gobane Modimo Lentšu o kgahlanong le sona, gomme ke swanetše go ema therešo go Lentšu lela. Yeo ke nnete. Ge eba ke swanetše go ema ke nnoši, ke swanetše go ema le yona. Tšeo ke diphenyego tša ka tša go botega, gore Lentšu la Modimo ke therešo, gomme se sengwe le se sengwe gape ke maaka ka ntle ga Lona, leo ke Lentšu la Modimo.

¹⁹² Modimo o dirile tshepišo ye. O bonagetše go nna ka go Morongwa, le bala puku ya ka, gomme gape e hlatseditšwe ke dimilione, le dimilione, le dimilione go dikologa lefase, ke therešo.

¹⁹³ Bjale, re tla bitša mothalo wa thapelo, go rapelela balwetši, go bona se Moya wo Mokgethwa o tla se bolelago. Bjale, go tla ba ba bangwe mo ba se nago dikarata tša thapelo. Ke ba bakae mo ba babjago, gomme ba se nago dikarata tša thapelo? Phagamišetša seatla sa gago godimo. Go lokile.

¹⁹⁴ Ditulo tše tša bagolofadi le dilo, “Ke phagamišetše seatla sa ka fale, ga ke ne karata ya thapelo,” ga o e hloke. Bona. . . Lena le. . . Ke botelele gannyane, eupša e nong—e nong go nkgotlelela metsotso e se mekae boteletšana. Lebelelang, le swanetše go tseba gore le dire eng. Ge nka tsoge ka tla morago gape, ga e ye go ba lebaka la mašego a mane goba a mahlano, re ya go dula lebaka la dibeke tše pedi, bjale, gore re kgone go ruta le go bona se. . . Le no kitimela ka gare ka bofofu gomme ga le kwešiše, gomme yo mongwe o go boditše go tšwa go yona mo matšatšing a se makae, gomme o rile, “Ga go selo go yona,” o ya thwi morago.

¹⁹⁵ “Ge moya wa ditšhila o tšwile go monna o sepela mafelong a a omilego. O tla morago le meoya ye mengwe ye šupa ye mebe go feta ka fao a bego a le ka gona.” Le a bona? Gomme ge ba sa e kwišiše, e ba dira gore ba be gampe.

¹⁹⁶ Bjale, ke babadi ba bakae ba Beibele ka fa bao ba tsebagore Puku ya Bahebere e tleima gore “Jesu Kriste, gonabjale, ke Mopristsa yo Mogolo yoo a kgonago go kgwathwa ke maikutlo a mabofokodi a rena”? A yeo ke nnete? A A ka kgona? A A ka

kgona go kgwathwa? E reng, “Amene,” go yona. A ka kgona go kgwathwa. Ka gona, a ke Yena Jesu wa go swana yo a sepetšego lefaseng? Ge A le Jesu wa go swana, gomme Moya wo Mokgethwa wa Gagwe o le fa mo lefaseng go tšwetšapele Mošomo, go fetša Mošomo, bjalo ka ge Daniele a o biditye, go fihla A etla, O tla dira, ge Bophelo bjo bo bego bo le ka go Jesu bo le ka Kerekeng, Bo tla dira selo sa go swana. Gona ge A le Moprista yo Mogolo yoo a kgonago go kgwathwa ke maikutlo a mabofokodi a rena, O tla swanela go dira ka tsela ya go swana yeo A dirilego ge A be a kgwathilwe ge A be a le fa mo lefaseng. A le dumela seo?

¹⁹⁷ Bjale, theetšang lena ka kelohlolo, ke a le bona bao le phagamišitšego diatla tša lena, ga se le be le karata ya thapelo: Go bile le mosadi nako ye nngwe yoo, re tla re o be a se ne karata ya thapelo, feela o be a no se kgone go tsena, o be a na le taba ya madi. Gomme seo ke sa lena bohle ntle ka go batheeletši, mogohle, bao le se nago karata ya thapelo. O dumetše gore O be a le Morwa wa Modimo, le ge ba Mo tsebišitše go ba monna wa segafa.

¹⁹⁸ A le a tseba Jesu Kriste o ile a bolelwa go gafa? Baapostola bohle ba ile ba bolelwa go gafa? Ba rile, “O a gafa.” Lentšu go gafa le ra eng? “Go tshereana.”

Agaripa o boditše Paulo go rera Ebangedi ye ya go swana, o rile, “O tshereane.”

¹⁹⁹ O rile, “Ke...Ka tsela ye e bitšwago go tshereana, yeo ke tsela ye ke rapelago Modimo wa botate. Tsela yeo *e bitšwago* go tshereana,” le a bona, “yeo ke tsela ye ke rapelago Modimo.” Ke thakgetše nka tšoenatla diatla le Paulo bošegong bjo, ke dira selo sa go swana.

²⁰⁰ Bjale, ge Jesu, mosadi yola o kgwathile...O gateletše go kgabola lešaba, a kgwathwa seaparo seo sa ka ntle, seo se bego se na le se sengwe ka fase, le sona, eupša seaparo sa ka ntle, morumo wa seaparo sa Gagwe, ka gore o boletše ka pelong ya gagwe, ga go Lengwalo go e thekga, le na le Lengwalo go e thekga bjale, eupša o be a se na le Lengwalo le le itšego, o rile, “Ge nka kgwathwa morumo wa seaparo sa Gagwe, ke tla dirwa go fola.” Ke ba bakae ba elelwago kanegelo? Gobaneng, ka kgonthe. O rile, “Ke dumela Monna. Go na le se sengwe ka Yena, seo ke dumelago gore O a botega le go hlokošana, gomme ke a dumela Yena ke Mesia.”

²⁰¹ Kafao, o ngwegile go kgabola lešaba gomme o kgwathile seaparo sa Gagwe, o pitlagane go kgabola lešaba gape. Gomme yo mongwe le yo mongwe o be a šikinya diatla le Yena, le go Mo phaphatha legetleng. Gomme A ema (Gomme Ke bolela le wena ntle le karata ya thapelo.), a ema, a lebelela go dikologa, a re, “Ke mang yo a Nkgwathilego?”

²⁰² Gobaneng, e hweditše selo se segolo bjalo, go fihla ebile Petro a Mo kgadile, ka mantšu a mangwe, a ka no ba a boletše se: “O ra go reng go le bjalo? ‘Ke mang a Go kgwathilego?’ Gobaneng,

yo mongwe le yo mongwe o a Go kgwatha. O bolela ka eng o re, 'Ke mang a Nkgwathilego?' Re ka tseba bjang? Yo mongwe le yo mongwe o a go kgwatha."

O rile, "Eupša Ke a bona gore bokwala bo tšwele go Nna."

²⁰³ Woo ke mohuta wa kgwatho ye re bolelago ka yona. Bontši bja bona ba bea leina la bona go puku ya kereke, bontši bja bona ba tšoena dikereke, bontši bja bona ba iša diatla tša bona godimo, "Ke a Go dumela, Morena," eupša O nyaka yo mongwe yo a Mo kgwathago gore A kgone go e kwa.

²⁰⁴ *Bokwala*, ao ke "maatla." E no nagana pono ye nnyane yela e gogile maatla go tšwa go Yena, Morwa wa Modimo, Daniele o bone pono e tee, a tshwenyega ka hlogong ya gagwe lebaka la matšatši a mantši, Beibele e boletše bjalo, e ka se kgone go dirwa eupša gatee, ge Jesu a ka be a se a re . . . Bjale, Phetolelo ya King James e re, "*ye megolwane* go feta wo le tla e dira," eupša phetolelo ya maleba ke, "*bontši* go feta wo le tla dira," le a bona, *bontši*. Gobane, o ka se kgone go dira ye megolwane, O tsošitše bahu, le go emiša tlhago, le go dira se sengwe le se sengwe, le a bona, kafao e ka se kgone go ba ye megolwane, eupša e ka kgona go ba bontši bja yona, gobane O be a ka se swanele go ba lefelong le tee, Moya wa Gagwe A ka kgona go ba gohlelelefaseng, ka go Kereke yohle, A ka kgona go dira bontši.

²⁰⁵ Bjale, ge mosadi yo monnyane yola a Mo kgwathile, o ile a tloga gomme a dula fase, re tla re o dula fase, a ka no ba a emeletše. Eupša ge a dirile, Jesu o rile, "Ke mang a Nkgwathilego? Ke mang a Nkgwathilego?" Gomme O lebeletše go dikologa, Moya wa Modimo o be o le ka go Yena, Yena Yo a bego a kgwathilwe. Ga se a Mo kgwatha gore O kgonne go e kwa, o kgwathile Moya wa Modimo wo o bego o le ka go Yena. Gomme O retologile go dikologa le go lebelela ntle go kgabola batheeletši, go fihla A mo hweditše, o mmoditše gore tumelo ya gagwe e mo phološitše go tšwa go taba yela ya madi. A yeo ke nnete?

²⁰⁶ Gabotse gona, ge Jesu a sa le Moprsta yo Mogolo yoo a kgonago go kgwathwa ke maikutlo a mabofokodi a rena, a A ka se dire ka tsela ya go swana ge A swana maabane, lehono, le go ya go ile? E no ba Lengwalo feela.

²⁰⁷ Bjale, ge o se na le karata ya thapelo, o se ke wa nolega moko, dula tuu, gona lebelela godimo ka tsela ye. Bjale, le se leke go nkgwatha, ke nna ngwanabolena, gomme ga go selo ka go nna, ke wa fasefase go bohle, ke nna yo a tswetšwego ka ntle ga sehla.

²⁰⁸ Lena batho ba Pentecostal le rerile se se tla tla; Mapentecostal a lena a nako ya kgale ba dirile. Le be le e letetše gore e tla, gomme lena banna ke lena le ilego la bula tsela, eupša ka gobane ke tla bjalo ka Mobaptist go thata go lena go amogela. A le nagana e swanetše go tšwa go kereke ya lena ya Pentecostal? Eupša Modimo o dira se A nyakago go se dira, ga se taba ya yo mongwe gape. Yeo ke nnete. O no nyaka le

tsebe gore mokgatlo wa lena wa Pentecostal ga se wona o nnoši ka go sehlopha, yeo ke nnete. O dira se A nyakago go se dira, Yena ke Modimo.

²⁰⁹ Ke a le rata, batho ba Pentecostal, ke lena le kgobokanego go e dikologa, ke lena bao le nthušitšego, ke lena bao le nthekgilego ka mašeleng, ke lena bao le nthekgilego, ke a le rata, nka se le gobaletše lefeela, eupša ge ke bona le dira se sengwe sa phošo, ke tlangwa ke mošomo ka lerato go le botša, le phošo, ge le eya go...?...thala methaladi, gomme e sego go kopanela seng sa lena.

²¹⁰ Ge ngwanešu a le phošo o ka se tsoge wa mo thopela go Kriste ka go mo kgoromeletša kgojana fase, mo kuke. Ge ntšhu ye nnyane e ewa, mme ga se a re gobane o iteile petekwane, o ile thwi tlase le go mo kuka le go mo tliša thwi morago. Ge o le ntšhu, o tla dira ka tsela ya go swana bakeng sa ngwana wa Modimo yo a welego, ebile le ge a le phošo. Ge a tšwile taolong, ka ntle ga Lengwalo, o iteile petekwane, eya go yena, seo ke selo se o swanetšego go se dira. Gona Modimo... “Batho bohle ba tla tseba le barutiwa ba Ka, ge le ratana seng.” Lefase le nyoretšwe seo kudu, mogwera. Gomme Modimo ke lerato, gomme go fihla re kgona go hwetša lerato la boena, re ka se tsoge ra fihla kgole kudu le Modimo. Re hloka tsošetšo ya lerato magareng ga bana ba Modimo.

²¹¹ Bjale, o a lebelela, gomme o se ke... E no beela thoko pelaelo ye nngwe le ye nngwe ye nnyane, kgethollo bošegong bjo, lebelela thwi Legodimong, gomme o re, “Morena Modimo, monna yola ke motho, ke a tseba o no ba—o no ba yo monnyane, wa kgale’, monna wa hlogo ya lefatla a emego fale, eupša go ne selo se tee, o rerile Beibele. O mpoditše tshepišo, o hlohlile tumelo ya ka go yona. Bjale, O tseba seemo sa ka, gobaneng ke robetše mo, goba ke dutše mo, goba ke eme mo, ke a hwa, ke hloka thušo ya Gago. Tiišetša se go nna Morena, a nke ke kgwathe kobo ya Gago, gomme O romela Moya wa Gago morago go yena, le go dira go swana O dirilego, ge mosadi a kgwathile kobo ya Gago. Bjale, nka se kgone go obeletša ka seatla sa ka gomme ka Go kgwatha, eupša nka kgona go tšea tumelo ya ka gomme ka Go kgwatha.” Ga se nke A ikwela seatla sa gagwe, O ikwetše tumelo ya gagwe. Moprsta yo Mogolo yola wa go swana o tla kwa tumelo ya gago, o a e dumela? Morena a le šegofatše.

²¹² Bjale, ebang tlhomphokgolo ka kgonthe, dulang go homola, le se sepele tikologong, re tla bitša... Mošemane o kae? Di kae...? Ke tše kae—ke dikarata tša thapelo di filwego? C, tee go fihla go lekgolo. [Ga go selo go theipi—Mor.]... go lokologanya batho.

²¹³ Bjale, ge e ka ba mang a makala gobaneng re efa dikarata tša thapelo, ke ba bakae ka fa ba se nago karata ya thapelo, goba o na le karata ya thapelo, gomme o a babja? Kae kapa kae go dikologa

moago, emišetša seatla sa gago godimo ge o nyaka Modimo go go fodiša, phagamišetša seatla sa gago godimo, godimodimo, yo mongwe le yo mongwe wa lena. Ba babedi go . . . dikete tše pedi goba bokaonana. Bjale, ke mang a yago go ba pele? Le a bona, fao le swanetše go fa dikarata tša thapelo. Dinako tše dingwe ga re thome go tloga go tee, re thoma go tloga go masomethano, goba masomepedi, goba masometharo, goba e ka ba kae, eupša ka mehla re leka go rapelela bohle ba ba nago le dikarata tša thapelo.

²¹⁴ Gomme ke ba bakae ba tsebago gore go na le ba bantši ba fodišetšwego ntle kua ntle le dikarata tša thapelo, go feta go le ka mothalong wa thapelo le dikarata tša thapelo, bao ba bilego ka dikopanong tša ka pele? Gobaneng go ne masomethano go tee, le a bona, ke tumelo ya gago. Go lokile, tee, pedi, tharo, nne . . . [Ga go selo go theipi—Mor.] . . . ge ba sa lokologanya mothalo wa thapelo.

²¹⁵ Boka balephera mo kgorong, ba rile, “Gobaneng re robala fa go fihla re ehwa? Gobaneng,” ba rile, “ge re eya ka toropongkgolo . . .” Ke ba bakae ba tsebago kanegelo? Samaria e be e hlaselwa ke Basiria, gomme ba be ba swerwe ke tlala kudu, ba be ba bolawa ke tlala, go fihla ba eja sekgamathi go tšwa mohlareng, bjang go tšwa mobung, gomme ba apea bana ba bona seng gomme ba ja. Le elelwa seo? Gomme balephera ba ga se ba kgone go tla ka toropongkgolo, ba be ba le balephera, ba naganne gore le a fetela, gomme ka fao ba dutše kgorong.

²¹⁶ Gomme ba rile, “Gobaneng re dula fa go fihla re ehwa?” Bjale, theetšang ka kelohloko, “Ge re eya ka toropongkgolo, re ka se kgone go hwetša selo sa go ja, ba a hwa ka kua, ge re dula mo, re tla hwa, gomme ge re eya tlase go Basiria, ge ba re bolaya, go reng ka yona? Re ya go hwa, go le bjalo, re dutše mo, gomme ge ba re phološa, gobaneng re tla thakgafatšwa.” Ke ba bakae ba elelwago kanegelo? Lena bohle, kgontho.

²¹⁷ Bjale, ba ile ba swanela go leka mahlatse, le tseba se kanegelo e bilego. Eupša tumelo yela! Ba thomile go theoga go leba Basiria, gomme Modimo o bile le lešata le legolo go tla leganateng gomme ba tšhabile, gomme ba tlogela ditente tša bona, gomme ba tlogela dijo tša bona. Ba hweditše bontši go ja, gomme e sego feela gore go phološitše bophelo bja bona beng, eupša ba phološitše bophelo bja toropokgolo, batho. Ke ba bakae ba tsebago seo? Bjale lebelelang ke sebaka sefe ba swanetšego go se tšea, ga la swanela go leka mahlatse ao.

²¹⁸ Eupša ge o dula moo o lego ka bolwetšing bja gago, ge dingaka tša gago di go hlobogile, o tla hwa, gomme yeo ke phetho. O ka se lahlegelwe ka go tshepa Modimo. Gomme ga o kgopelwe go ya tlase kampeng ya lenaba, eupša o laletšwa go ntlo ya Modimo, Yo a go letetšego, ga go na go lahlegelwa.

219 Go lokile, masomepedi go fihla go masometlhano bjale, a nke ba emelele, le go ba lokologanya gore...[Ga go selo go theipi—Mor.]

220 Gomme go na le tsela e tee feela o ka kgonago go lahlegelwa, yeo ke go dula tuu gomme wa se dire godimo ga yona. Ke ba bakae ba rego yeo ke therešo? E reng, “Amene.” A go ne selo se tee Modimo a ka se se dirego? Ee, go ne selo se tee Modimo a ka se se dirego. A le kile la tseba seo? A ka se palelwe. Seo ke selo se tee A ka se se dirego. A ka se palelwe, O swanetše go thopa nako le nako, gobane Yena ke Modimo. “Magodimo le lefase di tla feta, eupša Lentšu la Ka le ka se tsoge la palelwa.” A yeo ke nnete? Kafao dumelang.

221 Gomme lena ba le nago dikarata bjale, le a bona, ba lokologanya bale. Gomme lena ntle le dikarata bjale ke nyaka le lebelele ka tsela ye, mpheng šedi ya lena ya go se arogane.

222 Bjale, ke ba bakae ba lemogago, beke ye ka dikopanong, ka Mangwalo le ka palo ya lena gore Modimo o tshepišitše go dira se mo letšatšing la mafelelo? Nnete, O e tshepišitše, gomme e tla ba letšatši la mafelelo.

223 Bjale, le a bona, ke dumela gore saense...Saense ya go tsebega e tlile letšatši le lengwe, goba, e sego letšatši le lengwe, e bile nako ye nngwe ya go feta. A le kile la kwa ka sebonamaaka, ba se bea go disenyi? Monna yo e be e le moswaswalatši le mosedumelemodimo, o be a le ka Chicago, Illinois kerekeng ya Ngwanešu Mattsson-Boze. O be a le rasaense, gomme o kopane le nna, a tla tlase ntlong ya ka moragwana, o ile a makala ka Seetša sela. Ke ba bakae ba nago le seswantšho sa Sona, goba ba kilego ba se bona? Phagamiša seatla sa gago.

224 Bjale go nna, seo ke Seetša sa go swana seo se bilego le bana ba Israele. Ke ba bakae ba tsebagore Jesu Kriste ke Seetša sela? Ge Jesu a be a le lefaseng, O rile, “Ke tšwa go Modimo, Ke ya go Modimo.” Gomme moithuti yo mongwe le yo mongwe wa Beibele o a tseba gore Morongwa wa Kgwerano e be e le Seetša se se latetšego Moshe gohle, goba, Moshe o se latetše go kgabola lešoka. A yeo ke nnete? Lebelelang, ge A be a le lefaseng, O rile, “Pele Abraham a eba gona, KE NNA. Ke nna Borotho bja Bophelo bjo bo tšwago go Modimo Legodimong. Botataweno ba ja mana ka lešokeng, gomme ba hwile. Ke nna Borotho bja Bophelo bjo bo tšwago go Modimo Legodimong. Ke nna Leswika le le bego le le ka lešokeng.”

225 Ba rile, “O monna yo a sego ka godimo ga bogolo bja mengwaga ye masometlhano, gomme o bolela gore o bone Abraham? Bjale re a tseba o a gafa,” go tshereana, “gomme o na le diabol.”

O rile, “Pele Abraham a eba, KE NNA.” A yeo ke nnete?

226 Ge A be a le lefaseng, lebelelang se A se dirilego ge A be a le ka mmeleng wa nama, Lentšu le rile O dirile. O rile,

“Bjale lebakana le lennyane gomme lefase le ka se Mpone gape,” ’gobane, O be a tloga, “eupša lena le tla Mpona,” *lena*, yeo ke Kereke, “le tla Mpona, gobane Nna,” *Nna* ke lešalašala, “Ke tla ba le lena, ebile ka go lena go fihla bofelong bja lefase. Mediro ye Ke e dirago, le tla e dira le lena.”

²²⁷ Bjale, ka gona morago ga ge A hwile, a tsogile gape, a rotogetše ka Legodimong go Tate, a boile morago godimo ga lefase, le barutiwa ba Gagwe matšatši a masomenne le mašego, a tšeelwa godimo gape, O kopane le Paulo dikgwedi tše dingwe ka morago ga fao tseleng go ya Damaseko, gomme o ile a rathelwa fase. Gomme ge Paulo a lebeletše godimo, go be go le eng kua? Pilara ya Mollo. A yeo ke nnete? Gomme Segalontšu se tšwile go Yona, se rile, “Saulo, Saulo, o Ntlhomaretšeng?”

O rile, “Morena, ke Wena Mang yo ke mo hlomerego?”

²²⁸ O rile, “Ke nna Jesu.” Modimo wa go swana yo a bego a le ka lešokeng le bana ba Israele, yo a bego a dula ka mmeleng wo A o hlotšego Yenamong, le go dula ka nameng, le ka mmele wola o hlwekišitšwego, o filwego Madi ale, o bego o se wa tlišwa mo ka kganyogo ya thobalano, wa fiwa Bophelo bjola, Madi ale a tšholotšwego godimo ga Khalibari a hlwekiša bophelo bja rena gore Moya wo Mokgethwa wa go swana o phele ka Kerekeng go tšwetšapele mošomo wa Kriste. Go phethagala!

²²⁹ Bjale, matšatši a mafelelo a tlile. Šo Yena, o na le seswantšho sa Gagwe se tšerwe. Ge George J. Lacy, hlogo ya FBI ka go majabajaba a menwana le ditokomane, a eme godimo pele ga batho ka Houston kua ka—ka laboratoring ya Shell, gomme o rile, “Ke bile moswaswalatši nmamong, ke bile moswaswalatši wa Mna. Branham, ke rile e be e le saekolotši.” O rile, “Eupša saekolotši, leihlo lela la motšhene la khamera le ka se tšee saekolotši, Pilara yela ya Mollo e be e lekeletše fale, E rathile lense.”

²³⁰ Yola ke hlogo ya FBI ka go majabajaba a menwana le ditokomane. Šele e lekeletše ka Washington, e filwe tokelo ya khophi, sephedi se nnoši sa kagodimogathago se kilego sa tšewa senepe. Bjale, re na le seswantšho sa yona, a ga le naso? O na le tokelo go botšiša Douglas Studios, goba go ya pele, ka yona ye e e tšerego. George J. Lacy, lebelelang ka pukung ya ka, leina la gagwe šele, lefelo, se sengwe le se sengwe, mmotšišeng. Le a E bona, E tla fase, E dira selo sa go swana, E a sepela le go inetefatša Yonamong.

²³¹ Bjale, ge E le Kriste yola wa go swana, a šoma ka modiradibe yo a phološitšwego ka mogau, E tla šoma ka wena, modiradibe yo a phološitšwego ka mogau, gomme E tla bea bohlatse bja go swana bjo E bo dirilego ge E be e le ka go Morwa wa Modimo yo a sa otswafatšwago, ka gore “Mediro ye Ke e dirago, le tla e dira le lena.” A yeo ke therešo? Go na le Lengwalo, mogwera. Nka se dire selo se tee ntle le ge Lengwalo le rile go be go le bjalo.

232 Bjale, ebang tlhomphokgolo. Lena batho...A masometlhano ohle a tsene ka mothalong? Go lokile, mohlomphegi.

233 Bjale, ke na le sehlopha go se rapelela mo. Gomme ke—ke tshepa Modimo, gore O tla direla batho ba se sengwe, ka gore ke—ke a tseba ba a hloka. Bjale, lena ntle le dikarata tša thapelo, bao le babjago, ke nyaka le phagamiše diatla tša lena. Feela gabotse e ka ba mogohle. Bjale, o lebelela ka tsela ye, thoma go rapela boka mosadi mo sedibeng. Bjale, selo sa pele, re ka se kgone go tšea yo mongwe le yo mongwe wa ba bakeng sa tlhatho, re lemoga seo.

234 Yo...A ke wena go rapelelwa? [Ngwanešu o re, “Aowa, ke bakeng sa morwa wa ka.”—Mor.] Oo, o...o—o—o mo, o molwetši, o bile le karata ya thapelo. O bile le karata ya thapelo go tla godimo fa, go lokile. Bjale, ga ke go tsebe, Modimo o a go tseba. Re basetsebane seng sa rena, bokgole bjo seo se amegago. Ge seo e le nnete, a nke batheeletši ba tsebe, ka go no phagamiša diatla tša lena mmogo.

235 Monna šo, yena le nna, ga se ra ke ra kopana. Ke monna yo monnyane go mpheta. Ga ke mo tsebe, ga se ka ke ka kopana le yena ka bophelong bja ka, ke Yena monna. Mo re kopana lekga la rena la mathomo. Ge se e se feela tlwa boka go bile nakong ya Beibele, ge Petro a tlile go Morena Jesu, goba ge Filipi, a hweditšwe ke Nathaniele!

236 Bjale, ge Moya wo Mokgethwa, ge Jesu Kriste a le mo, le e ka ba eng ye e lego ka pelong ya gago, boka mosadi sedibeng, goba go ya pele, e ka ba eng e lego ka pelong ya gago, ga ke tsebe, eupša ge Modimo a ka e utolla, le go mpotša se sengwe seo—seo o tsebago gore ga ke tsebe selo ka sona, a o tla dumela E be e le Morena Jesu a dumelela seo? O tla dira?

237 Ke ba bakae ka go batheeletši ba tla e dumelago? Fa, bjale makgaolakgang. Ge ke boletše therešo—ge ke boletše therešo ka Jesu Kriste, O tlamegile go thekga Lentšu lela. Ee, mohlomphegi. Gomme ge ke se ka dira, A ka se dire selo ka yona, Kriste a ka se kgotlelelane le phošo, le tseba seo. A ka se šegofatše phošo. Eupša O tla...O tlamegile go ema ka morago ka Therešo. Bjale, ke bolela gore ga se A hwa, O a phela, gomme O a phela thwi fa bošegong bjo. Le a bona? Bjale, ke nna motho, ke swanetše go ema pele ga Gagwe boka o swanetše.

238 Bjale, ge nka—ge nka tla godimo fa, gomme ka bea diatla tša ka godimo ga gago, gomme ka re, “Haleluya! Tumišang Modimo! O ya go fola. Tumišang Morena!” Yeo ke therešo. Le a bona? Beibele e rile, “Thapelo ya tumelo e tla phološa molwetši,” gomme nka no ba le tumelo go dumela seo. O ne tokelo go dumela seo. Eupša bjale go ka reng ge Moya wo Mokgethwa o etla le go ya morago tlase mošola le go go botša se sengwe seo o tsebago ga ke tsebe selo ka sona? O tseba ge eba yeo ke therešo goba aowa.

Gona ge A tseba se o bilego, ka kgonthe O tla tseba se se tla bago. A yeo ke nnete?

239 Bjale, ebang tlhomphokgolo. Ke nyaka le rapele Morena. Eupša ge... Ge bonnyane nka ba le e tee, gomme bjale le nako yeo... e ka ba kae mo metsotsong e se mekae gona, gore ke kgone go fetša batheeletši. Eupša ke ba bakae ba tla tshepišago, ka mogau wa Modimo, gore ba tla dumela ge Modimo a ka šoma? Feel a nna le monna yo bobedi, le nna le tša ka... diatla tša rena godimo, gore ga se nke ra kopana pele ka bophelong, feela thwi mo. Bjale, a nke Morena a e fe.

240 Bjale, ke no nyaka o nkarabe. Bjale, o a lemoga gore se sengwe se a direga, maikutlo a makgethwa ka kgonthe. Ge seo e le nnete, phagamišetša seatla sa gago godimo.

241 Bjale, batheeletši, ga ke tsebe ge eba le a bona goba aowa, monna, gare ga ka le yena, go eme Seetša sela seo le nago le seswantšho sa sona, se eme fale bjale.

242 Ke bona monna a timelela go tloga go nna. Gomme o mo bakeng sa ngwana. Yeo ke nnete. Yo mongwe gape. Ke ngwana, ke lesea le ka ba bogolo bja dikgwedi tše tharo, feela moisa yo monnyane. Gomme o... Lesea le na le bothata bja pelo. Yeo ke therešo. Gomme ga o tšwe mo, o tšwa Indiana, Anderson, Indiana. Eya gae, hwetša lesea la gago le fodile, Leineng la Morena Jesu Kriste. O a dumela bjale.

243 E no ba le tumelo. O se belaele, dumela. Dumela Modimo. Bjale a lena bohle le a dumela? Go lokile.

244 Bjale, ge ke sa bolele lentšu le tee go wena ka tlhatho, o tla dumela, a o ka se ke? Gona sepela, gomme atheraithisi ya gago e ka se sa go tshwenya gape.

245 Ngwanešu Kidd, ke a go tseba, kafao kagona nka se leke tlhatho ye. Ke ya go go rapelela.

246 Morategi Modimo, ke a tseba gore ngwanešu yo wa go ratega, wa kgale wa moreri o be a rera pele ke belegwa. Ke a mo rapelela, o bile monna morategi. Ke Go bone o mo tliša, godimo ga poledišano mogaleng ge re mo rapeletše, yena a robetše ka sepetlele ka tlhaselong ya pelo, O mo fodišitše. Šo yena, o ya ka go bogolo bja mengwaga ye masomeseswai, ke a rapela gore O tla mo šegofatša.

247 Gomme mogatšagwe yo monnyane yo wa morategi, le yena, o šomile ka go meepo ya gagwe ya malahle ka diatla tša gagwe go romela mogatšagwe go maboromiwa a Ebangedi go rera Lentšu. Re a ba rata. Baratani ba bannyane ba ba bosebose, ga ke tsebe ka bona.

248 Ke a rapela, Tate, gore O tla oketša matšatši a bona. Gomme go bolela le bona, gomme mosadi a lla, le go re, "Ngwanešu Branham, ke tšofetše kudu, gomme ga ke tsebe ke dire eng; ke a bona tlhoko ke ye kgolo kudu." Mo thuše, Morena. Ba šegofatše.

Gomme a nke ditšhegofatšo tša Modimo di khutše godimo ga bona. Seemo se seo se golago godimo ga mahlo a gagwe, ke a rapela, Modimo, gore o tla fodišwa.

²⁴⁹ Ke a rapela, Modimo, gore O tla fodiša kgaetšedi wa rena, seemo sela—sela sa mogodu ka mmeleng wa gagwe se tla tlošwa go yena. Mefokolo yohle, a nke e tloge. Ka Jesu Kriste. Amene.

²⁵⁰ Šegofala, Ngwanešu Kidd. Modimo a go šegofatše, Kgaetšedi Kidd. Aowa, aowa, Ke. . . Ke eng, Kgaetšedi Kidd? [Kgaetšedi Kidd o bolela le Ngwanešu Branham—Mor.] O fodišitšwe a eme thwi mo sefaleng, o swaretše seatla sa gagwe ntle, gomme o rile e ile, kankere e tlogile. Kafao, tumišo e be go Modimo. Le a bona, ke ka fao e swanetšego go. . . Ke a dumela e dirile.

²⁵¹ O a dumela gore Morena o tla go fodiša? O be o tšhogile gampe, a ga se wa dira? O na le mogodu wa gago o nyamile gohle. Yeo ke nnete. O a bona? Eupša o nyaka go ya go ja? E no ya pele gomme o je gona. Dumela ka pelo ya gago yohle gomme o ye gomme o je, gomme Jesu o tla go dira o fole.

²⁵² Bjale, a o dumela ka pelo ya gago yohle? Ge Jesu a ka mpotša se bothata bja gago e lego, a o tla dumela ka pelo ya gago yohle? Go lokile. Seemo sa gago sa mokokotlo se go tlogetše, gore o kgone go ya tseleng ya gago gomme o dirwe go fola.

²⁵³ O dumela ka pelo ya gago yohle? Se sengwe le se sengwe? Go lokile, bothata bja gago bja pelo, bo tloga go wena. O ka kgona go ya tseleng ya gago gomme wa hlalala le go thaba.

²⁵⁴ A o a dumela? O bile le bothata ka mokokotlong wa gago, le gona. Kafao eya pele tseleng ya gago gomme o thabe, o re, “Ke a Go leboga, Morena Jesu.”

²⁵⁵ O na le bothata. Ke monna, yo a tsogago. . . Eupša ka gona ntle le seo, o be a tšhogile, bothata bja pelo. Kafao e no ya pele tseleng ya gago gomme o hlalale. Jesu Kriste o go dira o fole.

²⁵⁶ Ge ke sa bolele lentšu go wena, go go rapelela, o a dumela gore Modimo o tla go fodiša? Etle mo.

²⁵⁷ Ke bea diatla tša ka ka tlotšo ya Moya wo Mokgethwa le thomo ya Jesu Kriste godimo ga monna. A nke a fole bakeng sa Mmušo wa Modimo. [Ga go selo go theipi—Mor.]

. . . ? . . . Modimo a go šegofatše.

A o a dumela kgaetšedi ka pelo ya gago yohle?

Ngwanešu. . . ? . . . Aowa, o na le thapelo. . . ? . . .

²⁵⁸ Mohumagadi a dutšego thwi morago mo, a rapelela ngwa—ngwa ngwana yo a nago le seemo sa letšhogo, dikgatelelo tša megalatšhika, wena, wenamong o tšhogile, gomme o dutše fale o rapediša seo. Ge seo e le nnete, phagamišetša seatla sa gago godimo. Go lokile, eya gae, o hweditše tlhologelo ya gago.

259 O kgwathile eng? Ga se nke a nkgwatha, o kgwathile Moprista yo Mogolo yo a kgonago go kgwathwa ke dikwi tša mefokolo ya rena.

Etla kgaetšedi.

Leineng la Morena Jesu, a nke o fodišwe. E fe.

260 Ge ke sa bolele selo se tee go wena, o a dumela o tla fodišwa, go le bjalo? Eupša bothata bja gago bja sesadi bo go tlogetše, o ka kgona go ya pele tseleng ya gago.

O a dumela?

261 Ke ba bakae ntle fao ba dumelago ka pelo ya lena *yohle*? Ge le ka dumela, le ka ba le se le se kgopelago.

262 O a dumela Modimo o a go tseba, mohumagadi? Ge Modimo a ka mpotša se sengwe ka wena, seo o tsebagore ga ke tsebe. . . Ga ke go, ke a thanka ga o ntsebe go feta feela ka leina. A yeo ke nnete? Ge Morena Jesu a ka nkutollela Bogona bja Gagwe. . . O a dumela o ka Bogoneng bja Gagwe, seo ke se o se kwago? O motho wa go loka kudu, 'gobane o ne maikutlo a makaone go moya wa gago, o a bona. O ne seemo sa pshio, o na le bothata bja letšhogo bjo bo go tshwenyago. Yeo ke nnete, a ga se yona? Ga o tšwe mo, o tšwa Lebanon, Ohio, gomme yeo ke nnete. O ntumela bjalo ka moprofeta wa Gagwe bjale, ka pelo ya gago yohle? O a dumela Modimo o a tseba gore o mang? Ge A tsebile gore Petro o be a le mang, O be a tla tseba gore o be o le mang. A seo ke therešo? Go lokile, Mdi. Alexander, o ka kgona go ya gae gomme wa dirwa go fola. Jesu Kriste o go dira o fole.

263 Eba le tumelo, se belaele. Dumela ka yohle. . . O nyaka go rapela Modimo, bjale, phagamišetša diatla tša gago godimo gomme o rapele Modimo ge o no ikwela o ka re o tla rata go Mo leboga.

264 Morena, re a Go leboga bakeng sa botho bja Gago. A nke batho ka kgonthe ba kwešiše, Morena, gore ke. . . O gona mo go dira feela dilo tše O tshepišitšego go di dira. A go be bjalo, Morena. Re a rapela, Leineng la Jesu. Amene.

Etla bjale, kgaetšedi. Dumela.

Morena Jesu, ke a rapela gore O tla mo fodiša le go mo dira a fole. Amene.

Modimo a go šegofatše, kgaetšedi.

265 Etla bjale, ge ke sa bolele selo, o a dumela Moya wo Mokgethwa o fa? O a dumela gore ke a Mo dumela? Jesu o rile, "Maswao a a tla latela bona ba ba dumelago: Ge ba bea diatla tša bona godimo ga balwetši, ba tla welwa ke maruru." Dipono di ntira ke fokole kudu, ke swanetše go šetša, goba go tšwa go yona gape gannyane. Modimo a go šegofatše, sepela gomme o fole bjale.

Etla ngwanešu, o a dumela?

Leineng la Jesu Kriste, a nke a fole. Amene.

Etla, ngwanešu wa ka.

Leineng la Jesu Kriste, a nke o fole. Amene.

Etla, ngwanešu. O be o dutše fale o goeletša phenyo, kafao sepela gomme o fole, Leineng la Jesu Kriste.

Etla, ngwanešu wa ka.

Leineng la Jesu Kriste, sepela gomme o fole. Amene.

O a Mo dumela, kgaetšedi?

Leineng la Jesu Kriste, sepela gomme o fole.

Leineng la Jesu Kriste, sepela gomme o fole.

²⁶⁶ Nakwana feela. Mohumagadi yola, a dutšego thwi morago mo, moragorago kua, a lebeletšego thwi go nna, a rapela, o na le bothata bja hlogo, go opa ga hlogo, sepela, Jesu Kriste o go dira o fole bjale, o ka kgona go ya gomme wa dirwa go fola. Modimo a go šegofatše.

²⁶⁷ Ke swanetše go go tseba, sefahlego sa gago se lebega go tlwaelega. Nka se kgone go bolela bjale feela gore o mang, eupša ke a go tseba, ka mokgwa wo mongwe. Eupša ga ke tsebe selo ka wena. Eupša o eme mo bakeng sa tlhologelo, bakeng sa sehloga go tšewa go tloga go wena, seletša mo seretheng, leoto. Sepela, e dumele. O tla e amogela, Leineng la Morena Jesu.

²⁶⁸ A o a dumela? Eba le tumelo bjale, o se belaele, e no dumela.

²⁶⁹ Go bjang? A o dumela dilo tše o di bonago di tšwa go Modimo?

²⁷⁰ Bjale, se sengwe se a direga ntle kua, o a dumela. Seo—seo se lokile, se swanetše go e ruma.

²⁷¹ Ke mosetsebjé go wena, o mosetsebjé go nna, eupša Modimo o a re tseba bobedi bja rena. Ge A ka utolla se bothata bja gago. . .

²⁷² Ye ke tiragalo, feela boka go bile Jesu a ile nako ye nngwe gomme a dula fase hleng le sediba, gomme mosadi wa Mosamaria o tlile ntle, gomme O boletše le yena, le go mmotša se se bego se le ka pelong ya gagwe. O Mo dumetše, gomme a re leo e be e le leswao la Mesia. A yeo ke nnete? Monna le mosadi ba ba kopanego lekga la bona la mathomo; yo ke monna le mosadi ba kopana gape, lekga la mathomo. Ke swara diatla tša ka, ga se nke ka ke ka bona mosadi bokgole bjo ke tsebago, o rile ga se nke a ke a mpona, eupša Yena ke Modimo gomme O a tseba.

²⁷³ Bjale, se ke se dirago e no ba go ineela nnamong go Moya wo Mokgethwa, ga ke leke go šomiša mantšu a ka mong, ke no ineela go Moya wo Mokgethwa, gomme O a mpotša. Wena eba moahlodi.

²⁷⁴ O tšhogile go fetiša, seo ke se o nyakago thapelo bakeng sa sona. O na le moratwa yo o mo rapedišago, o ka sepetlele. Ke mogatšago, o golofetše ka mokokotlong wa gagwe. Yeo ke nnete.

O tšwa Dayton. Yeo ke nnete. Wena o Opal Williams. Eya morago gae gomme o amogele seo o se kgopelago. Tšea seo gomme o se bee godimo ga gagwe, Leineng la Morena Jesu Kriste.

²⁷⁵ O a dumela? Eba le tumelo go Modimo. Phagamiša diatla tša gago, gomme o re, “Ke a Go leboga, Morena Jesu.” E no Mo rapela.

Etla, ngwanešu wa ka.

Leineng la Jesu Kriste, dirwa go fola.

Leineng la Jesu Kriste, a nke kgaetšedi wa ka a fole, Morena.

Etla, ngwanešu morategi.

Leineng la Morena Jesu, a nke o fole.

Šegofala, ngwanešu.

Etla le mošemane yo monnyane, o nyaka thapelo, le yena, goba feela mohlankana?

Morena, ke a rapela gore O tla ba fodiša le go ba dira ba fole, a nke ba welwe ke maruru ka go felela, ka Leina la Jesu. Amene.

O se belaele, sepela o dumela.

Bjale lemogang Modimo. Ebang thapelong.

Leineng la Morena Jesu, fola. E fe Morena.

Oo, Morena, ge lekgarebe le le etla, Leineng la Jesu Kriste, a nke a fole, ge a feta ka tlase ga moriti wa sefapano.

Eba le tumelo.

²⁷⁶ O a dumela o ka kgona go ya go ja bjale? Alesa e ile, eya o je selalelo sa gago. Amene.

²⁷⁷ Gabotse, ba bakaone ba, batho ba makhalate, ba no ba bonolo kudu go dumela. Ke ba bagolo go dumeleng, ba bile le nako ye thata.

²⁷⁸ Fa, mosadi yo mongwe wa lekhalate šo. A re basetsebane seng sa rena? Ga ke go tsebe, ga o ntsebe. Bjale, seswantšho se sebotse sese, ka matšatšing a Morena wa rena, Mokgethwa Johane tema ya 4. Ge Beibele e sa phela, a nke Modimo a netefatše gore E a phela. Ke nna Moanglo-Saxon, o Moethopia ka tlhago, ka tswalo, mmala ka morafe.

²⁷⁹ Jesu o be a le Mojuda, mosadi o be a le Mosamaria. Gomme mosadi o rile, “Re na le kgethologanyo, ga se setlwaedi go lena Bajuda go bolela dilo e ka ba dife go Basamaria.” Eupša Jesu o mo dirile a tsebe thwi ka pela gore Modimo o be a le Modimo wa ditšhaba tšohle. Naga ye re phelago ka go yona e fetola mebala ya rena, ga se e be le selo go dira le soulo ya rena. Re ka kgona go tshellana madi seng sa rena, eng gape, bohle re dibopiwa tša Modimo. Re godišeditšwe ka dikarolong tša go fapana tša naga, gomme ba bangwe re ba basorolwana, ba bangwe ba batsothwa, ba bangwe ba bašweu, ba bangwe ba baso, seo ga se ne selo go

dira le yona, bohle re tšwa mohlareng o tee: Adama, dibopiwa tša Modimo.

²⁸⁰ Bjale, ye e tla ba tiragalo ya go phethagala ya Beibele, kopano ya rena ya mathomo. Ge Modimo a ka nkutollela . . . Ka pelong ya gago, o be moahlodi wa potego. Ge Modimo a ka utolla se o lego mo ka sona, goba se sengwe se o tsebago gore ga ke tsebe selo ka sona, a o tla e dumela ka potego, le go dira boka mosadi yola, wa ya go botša batho ba geno, “Ka therešo, Moya wo Mokgethwa o fa o dira mošomo wa Morena Jesu Kriste, ka gore ke Mmone a šoma magareng ga batho,” boka mosadi yola a tsene, o rile, “Etlang, bonang Monna Yo a mpoitšego se ke se dirilego. A Yoo ga se yena Mesia?” Le a bona? Leo e be e le leswao la Mesia. A o ka kgona go dira sa go swana?

²⁸¹ A batho bohle ba makhalate fa, goba e ka ba eng e dirago go swana, le Mo dumela ka pelo ya lena yohle? Bjale, ka Beibele ya ka, ga se nke ka ke ka bona mosadi bophelong bja ka, ga ke tsebe selo se tee ka ga gagwe.

²⁸² Bjale, ke a thanka le ke lekga la mathomo re kilego ra sepela sefahlego ka sefahlego bophelong. Ge seo e le nnete, feela gore batho ba bone.

²⁸³ Bjale, ge Modimo e le Modimo, Jesu Kriste o a swana maabane, lehono le go ya go ile, gona O boloka Lentšu la Gagwe. Ge A sa dire, gona ga se Yena Modimo, ga se A tsoga go tšwa bahung. Ge A tsogile go tšwa bahung, gona Yena ke wa yo mongwe le yo mongwe wa lena, yo mongwe le yo mongwe wa lena. Seswantšho sa Beibele sa go phethagala sese gape. A nke Modimo a e fe, nna ke sa tsebe.

²⁸⁴ Bjale, nka se swanele go go lebelela, seo ga se ne selo go dira le yona. Eupša Jesu o boletše le mosadi feela nakwana. Bjale, ge Modimo a ka mpoitša se bothata bja gago e lego, gona o tla dumela, 'gobane o a tseba ga ke tsebe. O tšhogile, bothata bogolo bja gago, bjo bo go dirilego go ba le bothata bja mogodu. Yeo ke nnete. Yeo ke nnete tlwa.

²⁸⁵ Bjale, a le a dumela? O re, “Ngwanešu Branham, o ka no ba o thankile seo.”

²⁸⁶ A re boneng se A tla se bolelago gape.

²⁸⁷ Ee, go na le se sengwe gape sa phošo ka wena, ke lehuto godimo ga leoto la gago la ngele.

²⁸⁸ O a dumela? O nagana e be e le go thanka? Mosadi ke motho wa go loka, moya wo mokaone. Morongwa wa Morena o eme thwi gare ga ka le mosadi yo. Ka Letšatši la Kahlolo, le tla hwetša. Morongwa yola le mo lebeleletšego seswantšhong ga a dikgato tše pedi go tloga moo ke emego gonabjale.

²⁸⁹ Lebelela mo gape, kgaetšedi. O na le mogwera yo o nyakago a rapelelwa yo a golofetšego.

O a dumela bjale?

290 Sepela amogela se o se kgopetšego, kgaetšedi. Dumela ka pelo ya gago yohle.

291 Lena bohle le dumela ka pelo ya lena yohle?

292 Modimo a go šegofatše, kgaetšedi. Ge o sa eme fao, o a dumela atheraithisi yela e go tlogetše? Mo tumiše, gomme o ye pele, o leboga Modimo.

293 Go lokile, etla. Mošemane yo monnyane, o dumela ka pelo ya gago yohle, mohlomphegi?

294 Morena, ge ke bea diatla tša ka godimo ga bona, ke a rapela gore ka Leina la Kriste gore O tla fa phodišo ya bona. Amene.

Se belaele, ngwanešu, e no dumela bjale.

Etla bjale.

295 Ke tšwelapele ke ekwa yo mongwe a nagana gore ke bala monagano wa yo mongwe. Ngwanešu, ge o sa tsebe bokaonana go feta seo, Modimo a be le kgaogelo go wena.

296 Fa, a ye ke . . . ? Fa, bea seatla sa gago go sa ka, mohlomphegi. Ge Modimo a ka nkutollela go lebelela ka tsela *ye*, e sego go bala monagano wa gago . . . O lokolle seatla sa gago ge nka go botša therešo. Gomme ka gona o tla ya gae gomme o ka se sa ba le asma yeo gape, wa tlogela go kgohlola. Ge yeo e le nnete, phagamišetša seatla sa gago godimo. Eya pele, ngwanešu. Modimo a go šegofatše.

Etla, kgaetšedi morategi.

Morena, ke a rapela gore O tla mo fodiša le go mo dira a fole, ka Leina la Jesu.

297 Nakwana feela, go na le mohumagadi wa lekhalate o tšwelapele a etla pele ga ka. Mosadi tsoko, ge e sa le mosadi yola wa lekhalate a rapeletšwe, o be a tšwelela fa. Kgogedi, e tšwa go yo . . . Ee, o dutše thwi tlase fale ka bolwetši bja swikiri. A o a dumela gore Morena Jesu o go dira o fole? Phagamiša . . . O be o rapela, a o be o sa, mohumagadi? Ge seo e le nnete, phagamiša seatla sa gago, gore ba kgone go bona. Go lokile. Eya gae gomme o fole, Jesu Kriste o go dira o fole. Ee.

298 Le bona maatla a Moya wo Mokgethwa ka morago ga go fodiša mosetsana yo mongwe yola go tla thwi go dikologa kua, gomme seo se kopana? Ngwanešu, ge re tsena mmero o tee lefelong le tee, se sengwe se a direga, e swanetše, le a bona, ge o ka tlogela go kamaka, gomme wa no dumelela Moya wo Mokgethwa go ba le tsela ya Wona.

Etla, kgaetšedi.

Leineng la Jesu, fola kgaetšedi. Ke bea diatla tša ka godimo ga gago ka tlotšo ya Moya wo Mokgethwa. Fola, ka Leina la Jesu.

Etla, ngwanešu wa ka.

Leineng la Jesu Kriste, fola ngwanešu.

Etla, kgaetšedi. E no ya o hlalala, o tumiša Modimo.

Ka Leina la Jesu, fola.

Etla.

Leineng la Jesu, fola, kgaetšedi.

Etla, kgaetšedi. Gomme ke a dumela, ge o ka no Mo dumela bjale. . .

Leineng la Jesu Kriste fola. Amene.

Leineng la Jesu Kriste, fola.

Etla. Etla, ngwanešu, tliša yo monnyane wa gago. O a dumela bjale?

Leineng la Jesu Kriste, fola.

Etla, kgaetšedi.

Leineng la Jesu Kriste, fola.

²⁹⁹ Oo, o ka kgona bjang go emela kgatelelo yela? Moya wo Mokgethwa o no kgoromeletša tsela ya Wona ka gare, go bonala o ka re. Ke no, go bonala eke batheeletši ba lahlegelwa ke šedi ge ba lebeletše ntle fale.

³⁰⁰ Monna yola a dutšego fale a nyaka kolobetšo ya Moya wo Mokgethwa, a dutšego morago fale, dumela ka pelo ya gago yohle, mohlomphegi, gomme o tla e amogela.

Etla, kgaetšedi.

Leineng la Jesu Kriste, fola.

³⁰¹ Leineng la Jesu Kriste, a nke sethekgeletši se tlošwe go lesea, gomme a nke le kgone go sepela, ka Leina la Jesu.

Se belaele bjale, dumela.

Leineng la Jesu Kriste, fola.

Etla kgaetšedi.

Leineng la Jesu Kriste, fola.

Leineng la Jesu Kriste, fola.

Leineng la Jesu Kriste, fola.

³⁰² Mohumagadi fale ka bothata bja mokokotlo, Jesu Kriste o go dira o fole. Dumela bjale, se belaele.

Etla.

Leineng la Jesu Kriste, fola.

O a dumela? Ge Modimo a ka mpotša bothata bja gago, a o tla e dumela?

³⁰³ Monna yola godimo ga khote, o a dumela, mohlomphegi? Leako lela la ambulense, o tšweletše pele ga monna yo feela nako yeo. O modiredi, o na le asma. Moruti Boughton, o ka no ya gae, gomme wa fola, Jesu Kriste o go dira o fole.

304 O a dumela Modimo o tla go fodiša? A tloša kankere yela ya lehu go wena? O e amogela ka pelo ya gago yohle? Ge o dira . . . O tla hwa o robetše fao, o ka kgona feela go phela ka go tshepa Modimo. Ge o e dumela, le go dumela gore O tla go dira o fole, tšea seo o nago naso, gomme o ye gae, gomme o fole, Leineng la Jesu Kriste.

305 Ke ba bakae ka fa ba dumelago gore Jesu Kriste o fa? Ke badumedi ba bakae ba lego fa? Phagamiša seatla sa gago.

306 Moisa yo moswa a robetšego mo godimo ga leako le, a o a dumela?

307 Ke ba bakae ba dumelago? Ke ba bakae ba tla nyakago go dumela? Jesu o rile, “Maswao a a tla latela bona ba ba dumelago: Ge ba bea diatla tša bona godimo ga balwetši, ba tla welwa ke maruru.” A le dumela seo? Gona beanang diatla tša lena go lena seng, beanang diatla tša lena seng, e nong go phagamišetša godimo, yo mongwe le yo mongwe. Beanang diatla tša lena seng. Se yona. Ye ke yona. Bjale rapelela motho yo o nago le diatla tša gago godimo ga gagwe.

308 Morena Jesu, Leineng la Jesu Kriste, Morwa wa Modimo, ke ahlola diabololo.

309 Etšwa, Sathane, o fentšwe, tlogela batho ba ba sepele, Leineng la Jesu Kriste!

310 Šegofala, ngwanešu. 

59-0815 Bjalo Ka Ge Ntšhu E Hlatha Sehlag'a Sa Gagwe
Miami Valley Chautauqua Campgrounds
Chautauqua, Ohio U.S.A.

NORTH SOTHO

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org